

## Samuelnê Buku Kêtu Luagêcña

Samuelnê Buku Kêtu Luagêcña gêjac têku min, tañ kêsêp buku ñamataña. Dawid kêtu kiñ ma gêjam gôlinj gamêñ Judaña gêmuj (môkêlatu 1-4) e kêtu lau Israel samob nêñ kiñ (môkêlatu 5-24). Dawid gêjac siñ gêdêñ nê ñacjo gebe êngôm nê gamêñ kiñña esewec. Ênê ñacjo ñamakeñ sêmoa lau Israel ñalêlôm, ñamakeñ sêmoa gamêñ ñamagêña. Buku tonec gêjac miñ Dawidnê siñ tonañ ñabiñ, mago buku tau gêwa Dawidnê biñ ñagêdô sa gêwiñ. Eñ ñac gêdêñ, tañ kêkêñ gêwiñ Anôtô ma gêjam sakij eñ tonê ñalêlôm samucgeñ. Nê lau têtac gêwiñ eñ ma tetoc eñ sa. Mago buku tonec gêsañ Dawidnê biñ, tañ kêlênsôñ to kêkêñ wapac eñ nañ, auc atom amboac tonañgeñ Kêsêp ñasawa eñ têtac ñandañ to têtac ñakalac ma ketoc tau sa. Tageñ gêdêñ tañ Anôtônê propete Natan kêtôc ênê sec gêdêñ eñ nañ, eñ geoc nê keso lasê ma kêsô Apômtaunê mêtôc ñalabu.

Lau Israel sê taêñ ênê lêñ to kôm ñanô e kêtu ñamu gêdêñ tañ gêñwapac kêkônij êsêac nañ, êsêac sêkêñ matenj kiñ tenj, tañ êsa aña Dawidnê gôlôacnêñ ma êtôm eñ tau. Êsêac taêñ kêka Dawidnê latu tenj.

### *Dawid gêñô Saul gêmac êndu ñawae*

<sup>1</sup> Saul gêmac êndu su ma Dawid kêku lau Amalek tulu. Eñ gêmu gêmêñ mêngêmoa Siklag bêc luagêc.

<sup>2</sup> Ma gêdêñ bêc kêtu têlêacña ñac tenj mêngêo lasê aña Saulnê siñwaga nêñ tonê ñakwê gêñgic ma kekop gi eñ môkêapac. Gêdêñ tañ eñ gêo lasê gêdêñ

Dawid nañ, ñac tau gêu tau gêc nom ma ketoc en sa.

<sup>3</sup> Dawid kêtú kênac en gebe “Gômôên anğa ondoc.” Tec en gêjô ênê bin gebe “Aê gaêc anğa Israelnêñ sinwaga nêñ, tec gamêñ.”

<sup>4</sup> Ma Dawid kêsôm gêdên en gebe “Bin amboac ondoc. Ôsômman.” Ma en kêsôm gêdên Dawid gebe “Sinwaga sêc su anğa sinmala ma ñacjo sêjac taêsam êndu. Saul agêc latu Jonatan sêmac êndu amboac tonanğen.”

<sup>5</sup> Go Dawid kêtú kênac ñac matac tau, tañ kêkôc ñawae gêmên nañ gebe “Saul agêc Jonatan sêmac êndu ñawae kêtap aôm sa ñalên amboac ondoc.”

<sup>6</sup> Ñac matac gêjô ênê bin gebe “Aê tauc gamoa lôc Gilboa gamoa ma galic Saul gesen gun tau tôn ña nê kêm kêkô ma ñacjonên kareta to lau, tañ sênğôn hos ñaô nañ, sêkapiñ en sa.

<sup>7</sup> Gêdên tañ en kêkac tau ôkwi nañ, gêlic aê ma gêmôêc aê. Aê gajô en awa gebe ‘Aê tec gamoa.’

<sup>8</sup> En kêtú kênac aê gebe ‘Aôm asa.’ Ma aê gajô en awa gebe ‘Aê ñac Amalek teñ.’

<sup>9</sup> Go en kêsôm gêdên aê gebe ‘Ômôên ma ônac aê êndu. Matocanô kêtú talô su, tagen matoc jali gamoa.’

<sup>10</sup> Amboac tonanğ aê katu gasuc en jagajac en tomatêgen gebe aê kajala gebe en oc êmoa atom. Go aê kakôc sunsun kiñña su anğa mômêapac ma joc anğa lêmadambê tec kajonğ gadên aôm, ñoc apômtau gamêñ.”

<sup>11</sup> Go Dawid lêma kêsêp nê ñakwê ma kêkac gêngic ma lau samob, tañ sêmoa sêwiñ en nañ, sêgôm amboac tonanğen.

12 Ma sêpuc tañiboa sa ma têttañ to sêjam dabun mo e oc jakêsêp kêtû Saul agêc nê latu Jonatan ma Apômtaunê lau Israel, tañ sinj gesenj êsêac su nanja.

13 Ma Dawid kêsôm gêdênj ñac matac, tañ kêkôc ñawae gêmênj nanj gebe “Aôm anja ondoc.” Ma enj gêjô enj awa gebe “Ñac jaba Amalek tenj latu aê, mago gamoa nêmm gamênj.”

14 Go Dawid kêsôm gêdênj enj gebe “Amboac ondoc tec kôtêc taôm atom ma lêmam kêpi Apômtaunê ñac, tañ genj oso enj nanj, ma gôjac enj êndu.”

15 Go Dawid gêmôêc lau matac nênj ñac tenj gêmênj ma kêsôm gebe “Ôna, ônac enj êndu.” Amboac tonanj enj jagêjac ñac Amalekña tonanj e gêmac êndu.

16 Dawid kêsôm gêdênj enj gebe “Nêmm dec êpi aôm taôm gebe aôm taôm kôkic nêmm binj ña taôm awamsunj gêdênj tañ kôsôm gebe ‘Aê gajac Apômtaunê ñac, tañ genj oso enj nanj êndu nanj.’ ”

### *Dawid kêtañ tañiboa kêtû Saul agêc Jonatanja*

17 Go Dawid gêga wê tañiboaña tonec kêpi Saul agêc latu Jonatan

18 ma kêjatu gebe têndônj wê tau êndênj lau Juda ma teto kêsêp Jasarnê buku.

19 “Ojae Israel, sêjac nêmm waem êndu gêc nêmm lôc ñaô.

Ojae, nêmm sinjsêlêc ñactêkwa sêjanagoc.

20 Asôm lasê anja Gat atom

ma anac minj anja Askalon ñamalaclunj atom

gebe lauo Pilisti têtû samuc atom

ma lau samuc latunjo sênamm lasê atom.

21 “Amac lôc Gilboa, maninj to kom

êpi amac atom, atu gamêñ gasañ.  
 Gebe sesen siñsêlêcnê lautuc ñadabuñ su  
 ma sen oso Saulnê lautuc ña niptêkwi kêtiam atom.

22 “Jonatannê sôb keso ñacjo atomanô  
 ma Saulnê siñ gêjam kôm ñaôma atom.  
 Gêjac lau siñsêlêc popoc  
 mā gesen ñacjo su.

23 “Saul agêc Jonatan têtac gêwiñ taun to sêlic taun  
 ñajam  
 sêmoa maten jali sêwiñ taun ma sêmac êndu sêwiñ  
 taun amboac tonanğen.  
 Sêlêti ñagaô kêlêlêc momboanğ gêlôb  
 ma nêñ ñaclai kêlêlêc lewe nêñ su.

24 “O amac Israel latunjo, atanğ êtu Saulña  
 gebe enğ kêkêñ ñakwê asôsamuc ñajam-ñajam gêdêñ  
 amac ma kêkêñ gêlônğ gold genğ kalenğ nêñ  
 ñakwê.

25 “Ojae, lau ñactêkwa sêjaña anğ siñ ñalêlôm.  
 Sêjac Jonatan êndu tomatêgenğ gêc lôc ñaô.

26 “O teocenec Jonatan, atêc gêmô aê kêtü aômña.  
 Ojae, ñoc gêñenec.  
 Nêñ têtac gêwiñ aêña kêmoasinğ aê ñanôgenğ  
 kêlêlêc lauo têtac gêwiñ aêña su.

27 “Ojae, siñ gesen lau ñactêkwa su ma nêñ  
 laukasap gêjaña.”

## 2

*Dawid kêtü kiñ Judaña*

<sup>1</sup> Tonan su, go Dawid kêtü kênac Apômtau gebe “Aê oc Japi najanğon malac Judaņa tenj me masi.” Apômtau gêjô ênê binj gebe “Ôna.” Dawid kêtü kênac kêtiam gebe “Jana malac ondoc.” Ma Apômtau gêjô enj awa gebe “Ôna Hebron.”

<sup>2</sup> Amboac tonan Dawid gêwiņ nê awêlagêc Ahi-noam anğa Jesrel agêc Nabalnê awêtuc Abigail anğa Karmel jakêpi Hebron.

<sup>3</sup> Dawid kékôc lau, taņ sêmoa sêwiņ enj naņ, to nêņ gôlôac sêwiņ jasêņğon malac Hebron ñagamêņ ñagêdô.

<sup>4</sup> Go ñacwaga Judaņa sêmêņ ma seņ oso Dawid kêtü gôlôac Judaņa nêņ kiņ anğa tonan.

Ñawae gêdêņ Dawid gêmêņ gebe lau Jabes-Gilead sêsun Saul su.

<sup>5</sup> Tec Dawid kêsakiņ binj tonec gêdêņ êsêac gebe “Apômtau ênam mec amac gebe têmtac gêwiņ nêm ñatau Saul amboac tonan ma asun enj.

<sup>6</sup> Apômtau êtôc nê têtac gêwiņ tenjeņña êndêņ amac to taê walô amac ma aê gabe jamoasiņ amac amboac tonanğenj êjô gêņ, taņ amac agôm naņ.

<sup>7</sup> Ma galoc têmtac êpa su ma awa taôm sa amboac ñacgeņ. Gebe nêm ñatau Saul gêmac êndu su ma lau Juda seņ oso aê gebe jatu êsêacnêņ kiņ.”

2:8–4:12 Saulnê siņwaganêņ kasêga Abner kêkêņ Saul latu Isboset kêtü kiņ anğa gamêņ gêmu kêpiņa. Siņ kêsma ma lau Israel nêņ gôlôacmôkê, taņ sêņğon gamêņ gêmu kêpiņa to êsêac, taņ sêņğon gamêņ gêmu kêsêpņa naņ, sêjac tauņ. Siņ gesen Abner agêc Isboset su, tec Dawid kêtü gamêņ samucgeņ ñakiņ Enj gêbiņ gamêņ Israelña to gamêņ Judaņa tônj sêpi tagenj.

## 5

### *Sêkêy Dawid kêtü Israel samob nëy kiñ*

<sup>1</sup> Go Israelnêy gôlôacmôkê samob sêô lasê gadêy Dawid anğa Hebron ma sêsôm gêdêy enj gebe “Aêacma ñatê ñagêdô aôm.

<sup>2</sup> Gêmuñña gêdêy tañ Saul kêtü kiñ nañ, aôm gôwê lau Israel kêtü sinña sêja ma kôkôc êsêac sêmu sêmêy kêtiam. Ma Apômtau kêsôm gêdêy aôm gebe ‘Aôm oc ôtu aênoc lau Israelnêy gejobwaga ma ôtu êsêacnêy gôliñwaga.’ ”

<sup>3</sup> Go lau Israelnêy kasêga samob sêô lasê gêdêy kiñ anğa Hebron ma kiñ Dawid kêmoatiñ poac gêwiñ êsêac anğa Hebron semoa Apômtau lanjônêm, go señ oso Dawid kêtü kiñ Israelña gêwiñ.

<sup>4</sup> Dawidnê jala kêtü 30 ma kêtü kiñ. Ma enj gêjam gôliñ êsêac jala 40.

<sup>5</sup> Enj kêtü kiñ Judaña anğa Hebron kêtôm jala 7 ma ajônj 6 ma anğa Jerusalem enj kêtü Israel to Juda samobnêy kiñ kêtôm jala 33.

### *Dawid kêku Jerusalem tulu*

<sup>6</sup> Kiñ to nê lausiñ sêja Jerusalem gebe sênac lau Jebus, tañ têtü malac ñatau nañ. Êsêac sêsôm gedenj Dawid gebe “Aôm ôsô tonec ômôênj atomanô, lau matenpec to puliñ oc sêkô aôm auc.” Biñ tonañ ñam gebe Dawid oc êku malac tulu atomanô.

<sup>7</sup> Mago Dawid kêku malac totuñbôm ñajaña tulu, tec sêsam malac tau gebe Dawidnê malac.

<sup>8</sup> Gêdêy bêc tonañ Dawid kêsôm gebe “Ñac tañ êsêli êsô gasuc buña naênac lau Jebus ma enseñ lau puliñ to matenpec Dawid gedec ñanôgeñ nañ su, go êtu ñac ñamataña.” Kêtü tonañña sêsôm biñ tonec

sêmoa gebe “Matenpec to puliņ oc sêsô Apômtaunê andu atom.”

<sup>9</sup> Dawid gêngôņ malac totuņbôm ŋajaņa tau ma kêsam gamêņ tau gebe Dawidnê malac. Eņ kêkwê malac tau kêgigenġ gêjam m anġa Milo ma kêsô gêja.

<sup>10</sup> Amboac tonanġ Dawidnê ŋaclai kêpi ec-kêpi ec gebe Apômtau lausiņ undambêņa nêņ Anôtô gêmoa gêwiņ eņ.

### *Kiņ Hiram ketoc Dawid sa*

<sup>11</sup> Lau Tirus nêņ kiņ Hiram kêsakiņ lau jaenġa gêdêņ Dawid. Eņ kêsakiņ kaseda to kamunda ma sêsap-pocwaga ma sêkwê Dawidnê andu.

<sup>12</sup> Tec Dawid kêjala gebe Apômtau kêkêņ eņ kêtū kiņ Israelņa binġanôġeņ-ma ketoc ênê gôliņ kiņņa sa kêtū ênê lau Israelņa.

### *Dawidnê latuio to ŋac, taņ teneņi sêkôc êsêac anġa Jerusalem nanġ*

<sup>13</sup> Gêdêņ taņ Dawid gêwi Hebron siņ jagêngôņ Jerusalem nanġ, eņ gêjam lauo ŋagêdô mênșêwiņ, tec sêkôc ênê latuio to ŋac ŋagêdô.

<sup>14</sup> Latui taņ teneņi sêkôc anġa Jerusalem nanġ, nêņ ŋaê tonec Samua agêc Soba ma Natan agêc Salomo

<sup>15</sup> ma Ibkar agêc Elisua ma Nepeg agêc Japia

<sup>16</sup> ma Elisama agêc Eliada ma Elipelet.

### *Dawid kêku lau Pilisti tulu*

<sup>17</sup> Gêdêņ taņ lau Pilisti sêņô gebe seņ oso Dawid kêtū kiņ Israelņa nanġ, lau Pilisti samob sêwê sêpi sêja gebe sêkôc Dawid tôņ. Mago Dawid gêngô binġ tau ŋawae ma kêsêp jagêngôņ malac totuņbôm ŋajaņa tau.

18 Lau Pilisti sêo lasê gaboan Repaim ma sêngôn gamên aucgen.

19 Go Dawid kêtû kênac Apômtau ma kêsôm gebe “Aê oc japi jandên lau Pilisti jana ma aôm ôkên êsêac sêsêp aê lemoc me masi.” Ma Apômtau gêjô en awa gebe “Aec, ôpi ôna, gebe aê oc jakên lau Pilisti sêsêp aôm lêmam binjanôgen.”

20 Amboac tonan Dawid gêo lasê Bal-Perasim ma kêku êsêac tulu anga tonan. Go en kêsôm gebe “Apômtau gêjac hoc hacjo gêmun aê amboac bu kêsap lêndan.” Kêtû tonan na sêsam gamên tonan gebe Bal-Perasim (Apômtau kêku tulu).

21 Lau Pilisti sêwi nêj anôtôi gwam sin sêc tonan ma Dawid to nê lau sêkoc sa ma sêc sêja.

22 Go lau Pilisti sêpi jasêo lasê gaboan Repaim kêtiam ma sêngôn sêjam gamên aucgen.

23 Gêdên tan Dawid kêtû kênac Apômtau kêtiam nan, Apômtau gêjô en awa gebe “Ôpi ôna atom. Ômbuc ômoa êsêac dêmôênmunagen ma ônac êsêac anga gamên, tan kêkanôn ka môsê kêkô nan.

24 Ma embe ôjô lau sêsêlên jakicsêa anga ka lolôcna, go ôlêti gebe êndên tonan Apômtau êsêlên êmun aôm gebe ênac Pilisti nêj lausin.”

25 Dawid gêgôm kêtôm Apômtau kêjatu en ma gêjac lau Pilisti anga Geba e gêdên Geser.

## 6

### *Dawid kêkoc poac nakatapa gêmên Jerusalem*

1 Tonan su, go Dawid kêkac Israelnên laumata sinna 30,000 sa kêtiam.

2 Dawid gêdi gawin lau samob tonan gêja malac Bal-Juda gebe êkoc Anôtônê poac nakatapa, tan



sêsam lausiņ undambêņa nêņ Apômtau, taņ gêņgôn kerub ñaô naņ, nê ñaê kêpi naņ.

<sup>3</sup> Êsêac tetoc Anôtônê poac ñakatapa kêkô kareta wakuc teņ ñaô ma sêkôc sêsa aņga Abinadabnê andu, taņ kêkô gamêņ ñabau naņ, ma Abinadab latuagêc Usa agêc Ahio sêjam gôliņ kareta tau.

<sup>4</sup> Usa kêsêlêņ gêwiņ poac ñakatapa ma Ahio kêsêlêņ gêmuņ.

<sup>5</sup> Dawid to lau Israel samob têtê wê toôliņ walôgeņ sêmuņ Apômtau ma sêjam wê ma sêjac gêņ wêņa togam ma sekoloņ gegob ma sêjac dauc ma oņ.

<sup>6</sup> Gêdêņ taņ êsêac jasêo lasê Nakonnê sêka polom ñamala naņ, bulimakao sêka selelec, tec Usa kêmêtôc lêma jakêpuc Anôtônê poac ñakatapa tôn.

<sup>7</sup> Go Apômtau têtac ñandaņ gêdêņ Usa ma gêjac eņ gebe kêmêtôc lêma gêdêņ Apômtaunê poac ñakatapa.

<sup>8</sup> Dawid têtac ñandaņ kêtú Apômtau kêkac Usa su amboac tonanęę, tec sêsam gamêņ tau gebe Peres-Usa e mênğêdêņ galoc.

<sup>9</sup> Gêdêņ bêc tonanę Dawid kêtêc Apômtau ma kêsôm gebe “Apômtaunê poac ñakatapa êndêņ aê êmêņ amboac ondoc.”

<sup>10</sup> Tec Dawid gedec gebe Apômtaunê poac ñakatapa êna ênê malac, ma kêkôc katapa tau kêsô Obed-Edom aņga malac Gat nê andu gêja.

<sup>11</sup> Amboac tonanę Apômtaunê poac ñakatapa kêkô Obed-Edom nê andu aņga malac Gat kêtôm alôn têtêac. Ma Apômtau gêjam mec Obed-Edom to nê gôlôac samucęę.

<sup>12</sup> Ma êsêac sêsôm ñawae gêdêņ kiņ Dawid ma sêsôm gebe “Apômtau gêjam mec Obed-Edom

nê gôlôac to nê gêṅ samob kêtú Anôtônê poac ṅakatapaṅa”, tec Dawid gêja jakêkôc Anôtônê poac ṅakatapa totêtac ṅajamgeṅ aṅga Obed-Edom nê andu gêmêṅ taunê malac.

<sup>13</sup> Gêdêṅ taṅ lau sêbalaṅ katapa sa ma sêu eṅkain sêsêlêṅ kêtú dim 6 naṅ, Dawid kêkêṅ bulimakao kapoac teṅ ma domba tonalêsi teṅ kêtú da.

<sup>14</sup> Ma Dawid kêtê wê to nê ṅalêlôm samucgeṅ gêmúṅ Apômtau. Eṅ kêjandiṅ obo dabuṅgeṅ.

<sup>15</sup> Dawid to lau Israel samob sêkôc Apômtaunê poac ṅakatapa sêmêṅ ṅalêṅ amboac tonanṅ sêjam lasê to sêjac dauc kêtaṅ toôndugeṅ.

<sup>16</sup> Gêdêṅ taṅ Apômtaunê poac ṅakatapa mêngêô lasê Dawidnê malac naṅ, Saul latuo Mikal gêjam tuc kêsa katam saunṅ ma gêlic kiṅ Dawid kêtê wê gêboan-gêboan gêmúṅ Apômtau, tec eṅ kêpêc gêdô eṅ gêc lêlômgeṅ.

<sup>17</sup> Sêkôc Apômtau nê poac ṅakatapa mênșêsô be-cobo, taṅ Dawid gê naṅ, ma tetoc kakô ṅamala. Ma Dawid kêkêṅ daja to dawama gêdêṅ Apômtau.

<sup>18</sup> Kêkêṅ daja to dawama tonanṅ su acgom, go gêjam mec lau gêjam Apômtau, lausiṅ undambêṅa nêṅ Anôtô laṅô,

<sup>19</sup> gocgo kêsôm ṅabiṅ ma sêjac sam polom teṅ ma bôc ṅagêdô teṅ ma polom ṅakana teṅ gêdêṅ lau Israel nêṅ lauo to ṅac kêtômgeṅ. Su, go lau samob sec êliṅ-êliṅ sêmu sêja nêṅ gamêṅ kêtiam.

<sup>20</sup> Dawid gêmu gêja nê andu amboac tonanṅgeṅ gebe ênam mec nê gôlôac. Go Saul latuo Mikal kapuc eṅ tôṅ-tôṅ ma kêsôm gebe “Ocsalô tonec Israelnêṅ kiṅ kêwaka tau sa ṅajamanô. Eṅ kêsêlêṅ toôli ṅaômageṅ gêmoa nê sakiṅwaganêṅ sakiṅwagao

nalêlôm tomaja gêbacgen kêtôm ñac ñaôma tenj.”

<sup>21</sup> Dawid gêjô Mikal awa gebe “Aê katê wê gebe jatoc Apômtau sa. Enj kêjaliñ aê sa gajô aôm tamam ma gajô ênê gôlôac samob. Enj kêkêñ aê katu ênê lau Israel nêñ kinj. Aê oc jatê wê to jatoc Apômtau sa jamoa.

<sup>22</sup> Ma aê oc jakôninñ tauc êlêlêc galocña e jalic tauc amboac genñ ñaôma. Mago ñapalêo, tañ aôm kôsôm binj kêpi êsêac nañ, oc tetoc aê sa.”

<sup>23</sup> Ma Saul latuo Mikal kêkôc ñapalê tenj atom e gêmac êndu. \*

## 7

### *Anôtô kêmoatinñ poac gêdên Dawid*

<sup>1</sup> Gêdên tañ Apômtau kêkêñ kinñê ñacjo sêsô enñ ñalabu nañ, kinj tau kêlêwanñ tau gênjgônñ nê andu.

<sup>2</sup> Ma kinj kêsôm gêdên propete Natan gebe “Ôlic acgom, galoc aê ganjgônñ andu kaseda tonec, mago Anôtônê poac ñakatapa kêkô becobogenñ.”

<sup>3</sup> Ma Natan kêsôm gêdên kinj gebe “Ñajam, ôna ma ônjgôm gênñ samob, tañ gêc nêñ ñalêlôm nañ, ñanô êsa gebe Apômtau gêwiñ aôm.”

<sup>4</sup> Mago gêdên gêbêc tonanjenñ Apômtau gêsunñ binj gêdên Natan ma kêsôm gebe

<sup>5</sup> “Ôna ma ôsôm êndênñ ñoc sakinjwaga Dawid gebe ‘Apômtau kêsôm amboac tonec gebe Aôm gobe ôkwê andu tenj êtu aê janjgônña me.

<sup>6</sup> Gêdên tañ aê gawê lau Israel anja Aiguptu sêpi sêmênñ e mênjgêdênñ galoc nañ, aê ganjgônñ andu tenj

---

\* **6:23:** Peres-Usa ñam “kêkac su”.

nalêlôm atomanô. Aê gajac laoc gamêngen ma gangôn becobogen kêtû ñoc andu.

<sup>7</sup> Amboac ondoc gêdên ñasawa samob, tañ gajac laoc gamên gawin lau Israel nañ, aê kasôm bin teñ gêdên Israelnên gôlinwaga, tañ kajatu êsêac gebe sejop ñoc lau Israel nañ, nêñ teñ gebe Amac akwê andu kasedaña teñ êtu aêña atom, kasôm me masi.'

<sup>8</sup> Ma galoc aôm ôsôm êndên ñoc sakinwaga Dawid gebe Lausin undambêña nêñ Apômtau kêsôm gebe 'Aôm gojob domba gômoa gamên wale-wale, tec aê kakôc aôm su gebe ôtu ñoc lau Israel nêñ gôlinwaga.

<sup>9</sup> Ma aê gamoa gawin aôm ança gamên samob, tañ kôsêlên kôsa nañ, ma gasen nêñ ñacjo samob su gamuñ aôm ma gabe jakên aômnêm ñaê êtu kapôên êtôm lau kapôên nomña nêñ.

<sup>10</sup> Ma aê jajalin gamên teñ sa êtu ñoc lau Israelña ma oc jasê êsêac sêsêp gebe êtu êsêacnên gamên sêngônña ma ñacjo sêlênsôn êsêac êtiam atom, ma lau ñaclai sec sêkônin êsêac êtôm sêgôm gêdên gêmuñña êtiam atom.

<sup>11</sup> Sêgôm gêdên tañ aê kakên gôlinwaga sêjam gôlin ñoc lau Israel nañ. Aê oc jakên nêñ ñacjo sêsô aôm ñalabu ma ôngôn tomalô. Apômtau gêjac mata gêdên aôm gebe eñ tau oc êmboa nêñ gôlôac sa.

<sup>12</sup> Nêñ têm embe êmbacnê ma ônêc nêñ bêc ôwin tamami, nañ oc jakên latôm, tañ mênêsa ança aôm nañ, êjô aôm su, ma oc janac dabin ênê gamên kinña.

<sup>13</sup> Eñ oc êkwê andu teñ êtu ñoc ñaêña ma jakên ênê lêpôn kinña êkô enden têngen.

<sup>14</sup> Aê oc jatu eñ tama ma eñ êtu aê latuc. Eñ embe êngôm sec aê oc jamêtôc eñ êtôm tama teñ kêmêtôc

latu.

<sup>15</sup> Mago aê oc jakôc ñoc moasiñ su anğa ênê êtôm kakôc su anğa Saul, tañ katu kiñ gêmurj aôm nan atom.

<sup>16</sup> Tagenj aômnêm gôlôac to nêm gôliñ kiñña êmoa aê lañôcnêmña tengeñ ma tengeñ. Ma nêm lêpônj kiñña êkô endenj tôngeñ.’ ”

<sup>17</sup> Natan kêsôm biñ samob, tañ Anôtô geoc lasê gêdêñ enj nanj gêdêñ Dawid.

### *Dawidnê mec danjeña*

<sup>18</sup> Go kiñ Dawid kêsô lômbec jagêñgônj Apômtau lañônêmña ma keteñ mec gebe “O Apômtau Anôtô, aê asa ma ñoc gôlôac asa tec gôwê aê e mênjgêdêñ tonec.

<sup>19</sup> Mago moasiñ tonan, aôm Apômtau Anôtô, gôlic amboac kêtôm su atom, tec kôsôm biñ, tañ oc mênjsêa êtu ñamu nan, kêpi nêm sakiñwaganê gôlôac gêwiñ. O Apômtau Anôtô, aôm kôtôc gôlôac to gôlôac, tañ ocgo mênjsêa nanj gêdêñ aê.

<sup>20</sup> O Apômtau Anôtô, aê oc jasôm asagenj êwiñ. Aôm taôm kôjala nêm sakiñwaga.

<sup>21</sup> Aôm gôgôm gêñsêga samob tonan ñai kêtü biñ, tañ gôjac mata nan, ma katu nêm ñalêlôm kêkac aômña gebe ôsôm gêñ tau lasê êndêñ nêm sakiñwaga aê jajala.

<sup>22</sup> O Apômtau Anôtô, aôm ñac kapôêñanô ma tenj kêtôm aôm gêmoa atom. Anôtô tenj gêmoa atom, aôm taômgenj, kêtôm biñ samob, tañ aêac anjô kêsô aêac tañeñsunj nanj.

<sup>23</sup> Ma lau nomña ondodc têtôm aômnêm lau Israel, tañ anôtô tenj gêjam êsêac kêsi gebe têtü ênê lau nanj, ma êwaka taunê ñaê sa to êñgôm gêñsêga to gêñtalô

êtu êsêacn̄a. Ma êtin̄ lau to n̄eñ anôtôi jaba su êmun̄ nê lau.

<sup>24</sup> Mago aôm kôkên̄ lau Israel têtû nêm lau geden̄ tôngeñ ma aôm, Apômtau, kôtu êsêacn̄eñ Anôtô.

<sup>25</sup> “O Apômtau Anôtô, galoc ôkên̄ bin̄, tañ gôjac mata kêpi nêm sakin̄waga to nê gôlôac nañ, êtu tông endeñ tôngeñ, ma ôngôm gên̄, tañ kôsôm nañ ñanô êsa.

<sup>26</sup> Go aôm nêm ñaê oc êtu kapôên̄ endeñ tôngeñ ma sêsôm gebe ‘Lausin̄ undambêña nêñ Apômtau katu Israel nêñ Anôtô.’ Ma nêm sakin̄waga Dawid nê gôlôac sêmoa aôm lañôm nêm ñageñ.

<sup>27</sup> Gebe aôm, lausin̄ undambêña nêñ Apômtau, Israel nêñ Anôtô, goc bin̄ lasê gêdên̄ nêm sakin̄waga ma kôsôm gebe ‘Aê oc jamboa nêm gôlôac sa’, tec nêm sakin̄waga aê têtac kêpa su e kateñ mec tonec gêdên̄ aôm.

<sup>28</sup> “Ma galoc, o Apômtau Anôtô, aôm taômgeñ Anôtô ma nêm bin̄ kêtû bin̄ ñanô. Aôm gôjac mata bin̄ ñajamanô tonec gêdên̄ nêm sakin̄waga.

<sup>29</sup> Amboac tonañ ôlic ñajam ma ônam mec nêm sakin̄waga nê gôlôac gebe sêmoa aôm lañôm nêm ñageñ endeñ tôngeñ, gebe aôm Apômtau Anôtô kôsôm bin̄ tau ma nêm mec êpi nêm sakin̄waga nê gôlôac endeñ tôngeñ.”

8:1-18 Dawid kêku lau-m ñagêdô, tañ semoa Israel ñamagê nañ, tulu ma kêtû lau Israel samob nêñ kin̄.

## 9

*Dawid kêmoasin̄ Mepiboset*

<sup>1</sup> Ma Dawid kêtû kênac gebe “Saulnê gôlôac nêḡ tenḡ gêmôa gebe jamoasiḡ enḡ êtu Jonatanḡa me masi.”

<sup>2</sup> Saulnê gôlôac ḡasakiḡwaga tenḡ gêmôa, nê ḡaê Siba. Êsêac sêmôêc enḡ gêdêḡ Dawid gêmêḡ. Ma kiḡ tau kêtû kênac enḡ gebe “Aôm Siba me.” Ma enḡ gêḡô kiḡ awa gebe “Nêm sakiḡwaga tec gamoa.”

<sup>3</sup> Ma kiḡ kêsôm gebe “Saulnê gôlôac nêḡ tenḡ gêmôa gebe jatôc Anôtônê moasiḡ êndêḡ enḡ me masi.” Go Siba gêḡô kiḡ awa gebe “Jonatannê latu tenḡ tec gêmôa. Enḡ akaiḡ lulugenḡ kêtû palê gêḡḡôḡ.”

<sup>4</sup> Kiḡ kêsôm gêdêḡ enḡ gebe “Enḡ gêmôa ondoc.” Ma Siba gajô kiḡ awa gebe “Enḡ gêḡḡôḡ Amiel latu Makir nê andu aḡa malac Lodabar.”

<sup>5</sup> Go kiḡ Dawid kêsakiḡ lau jasêkôc enḡ aḡa Amiel latu Makir nê andu aḡa Lodabar sêmêḡ.

<sup>6</sup> Ma Saul latu Jonatan nê latu Mepiboset gêdêḡ Dawid gêmêḡ ma gêu tau jagêc enḡ laḡônêḡ ma ketoc enḡ sa. Ma Dawid kêsôm gebe “Mepiboset”. Ma enḡ gêḡô awa gebe “Aec, nêḡ sakiḡwaga aê tec gamoa.”

<sup>7</sup> Dawid kêsôm gêdêḡ enḡ gebe “Ôtêc taôm atom gebe aê gabe jamoasiḡ aôm êtu tamam Jonatanḡa. Ma aê oc jakêḡ dêbôm Saulnê nom samob endenḡ aôm êtiam. Ma aôm oc ôniḡ gêḡ aḡa aêḡoc tebo ḡapanḡ.”

<sup>8</sup> Ma Mepiboset kêpônḡ aduc ma kêsôm gebe “Nêm sakiḡwaga aê asa tec gobe ônam jaom aê, taḡ katôm kêam ḡamatê tenḡ naḡ.”

<sup>9</sup> Go kiḡ gêmôêc sakiḡwaga Siba ma kêsôm gêdêḡ enḡ gebe “Saulnê gêḡ samob to nê gôlôacnêḡ gêḡlênsêḡ samob aê kakêḡ gêdêḡ nêḡ ḡatau latu.

10 Aôm to nê m latômi ma nê m sakinwaga anam kôm êtu enja ma akôc njanô amênj gebe nê m natau nê gôlôac têtap nêj gêj sêniñja sa, mago nê m natau latu Mepiboset oc êniñ gêj anja aênoc tebo napanj.” Siba latui 15 ma nê sakinwaga 20 sêmoa.

11 Go Siba kêsôm gêdêj kiñ gebe “Nê m sakinwaga oc êngôm gêj samob, tañ noc apômtau kiñ kêjatu nanj.” Amboac tonanj Mepiboset geñ gêj anja Dawidnê tebo kêtôm kiñnê latui nêj teñ.

12 Mepiboset latu sauñ teñ gêmoa, ênê ñaê Mika. Ma samob, tañ sêngôn Sibanê andu nanj, têtû Mepibosetnê sakinwaga.

13 Amboac tonanj Mepiboset gêngôn Jerusalem gebe enj geñ gêj anja kiñnê tebo napanj. Ma enj akainj lulugenj kêtû palê.

10:1-19 Dawidnê siñwaga totonj-totonj sêku lau Amon to lau Suria tulu.

## 11

### *Dawid agêc Batseba*

1 Ockêsa kêdabiñ, kiñnêj têm sênac siñja mênkêsa. Tec Dawid kêsakinj Joab to nê sakinwaga ma lau Israel samob jasesenj lau Amon nêj nom su ma sêgi malac Raba auc. Mago Dawid gacgenj gêmoa Jerusalem.

2 Ñakêtula teñ Dawid gadi anja nê mê ma kêsêlêñ gêmoa nê andu ñasalôm tapa-tapa ñaô. Gêdêj tonanj Dawid gêlic awê teñ gêliñ bu. Ma awê tau ñajamanô.

3 Tec Dawid kêsakinj lau gebe têtû kênac awê tonanj nê ñam. Ma ñac teñ gêwa sa gêdêj enj gebe “Enj Eliam latuo Batseba, ñac Hetña Uriã nê awê.”



<sup>4</sup> Go Dawid kêsakiņ lau gebe sêkôc eņ sêmêņ. Tec sêkôc eņ dêdêņ Dawid sêja ma eņ gêc gêwiņ eņ. Gêdêņ tonañ awê tau gêliņ busenom su ma kêtu selec. Go gêmu gêja nê andu kêtiam.

<sup>5</sup> Awê tau taê, tec kêsakiņ biņ ma kêsôm gêdêņ Dawid gebe “Aê taêc tec gamoa.”

<sup>6</sup> Amboac tonañ Dawid kêsakiņ biņ gêdêņ Joab gebe “Ôsakiņ ñac Hetņa Uria êndêņ aê êmêņ.” Ma Joab kêsakiņ eņ gêja.

<sup>7</sup> Gêdêņ taņ Uria mêngeô lasê geden Dawid naņ, Dawid tau kêtu kênac eņ gebe “Joab gêgôm asageņ ma lau samob sêmoa ñajam me masi. Ma siņ ñabiņ amboac ondoc.”

<sup>8</sup> Su, go Dawid kêsôm gêdêņ Uria gebe “Ôna nêm andu ma ôkwasin amkain.” Uria kêsas aņga kiņnê andu gêja, go kiņ kêsakiņ moasiņ teņ kêdaguc eņ.

<sup>9</sup> Mago Uria gêja nê andu atom. Eņ gêwiņ nê ñataunê sakiņwaga ñagêdô gêc bêc gêc kiņnê andu ñasacgêdô.

<sup>10</sup> Êsêac sêjac miņ biņ tau gêdêņ Dawid ma sêsôm gebe “Uria gêja nê andu atom.” Tec Dawid kêtu kênac Uria gebe “Aôm kôsêlêņ intêna baliņ. Kêtu asageņņa gôja nêm andu atom.”

<sup>11</sup> Tageņ Uria gêjô Dawidnê biņ gebe “Poac ñakatapa ma lau Israel to Juda sêngôn becobo ma ñoc ñatau Joab to ñoc ñataunê sakiņwaga samob sêsa jasêc awêgeņ ma aê najañgôn ñoc andu, janiņ to janôm gêņ ma janêc jawiņ ñoc awê me. Aê jatôc lemoc ma jasôm êtu tôn gebe aê oc jaņgôm gêņ amboac tonañ atomanô.”

<sup>12</sup> Go Dawid kêsôm gêdêņ Uria gebe “Amboac tonañ ômoa ocsalô tonec êwiņ ma elen oc jawi aôm

siñ ômu ôna.” Amboac tonañ Uria gêmoa Jerusalem bêc tonañ ma ñagelenj gêwiñ.

13 Dawid ketenj enj gebe êniñ to ênôm gêñ êwiñ enj ma gégôm e gêñ kêjanij enj. Mago gêdêñ gêbêc enj gêja nê andu atom, enj gêc bêc gêc nê mê gêwiñ nê ñataunê sakinwaga anja andu ñasacgêdô.

14 Gêdêñ bêbêcgenj Dawid keto papia tenj gêdêñ Joab ma Uria kêkôc papia tau gêja.

15 Ma enj keto binj tonec gêc papia tau gebe “Ôkêñ Uria êkô sinmata, go ataiñ taôm su gebe ñacjo sênac enj êndu.”

16 Tec gêdêñ tanj Joab kêgi malac tau auc nanj, enj kêkêñ Uria kêkô ñasawa, tanj enj kêjala gebe lau ñactêkwa ñanô sêkô nanj.

17 Ma lau malacña sêsa jasêjac siñ gêdêñ Joab. Gêdêñ tonañ sêjac Dawidnê sakinwaga ñagêdô êndu. Ma ñac Hetña Uria gêmac êndu amboac tonanjenj.

18 Go Joab kêsakinj binj ma gêjac minj siñ ñabinj gêdêñ Dawid.

19 Ma enj gêjac binjsu ñac jaenja gebe “Êndêñ tanj ônac minj binj siñña êndêñ kinj su nanj,

20 kinj embe têtac ñandanj êsa ma êsôm êndêñ aôm gebe ‘Kêtu asagenja amac atu gasuc jaadabinj malac gebe anac siñ. Amac ajala gebe sêkô tunjbôm ñaô ma oc sêpê amac nec atom me.

21 Asa gêjac. Jerubeset latu Abimelek êndu. Awê tenj kêkôc poc sêlêsa polomña tenj ma kêkô tunjbôm ñaô, go kêbalij jakêruc enj êndu anja Tebes. Kêtu asagenja amac atu gasuc jaadabinj tunjbôm amboac tonañ. Kinj embe êtu kênac binj amboac tonañ, go ôsôm êndêñ enj gebe ‘Nêm sakinwaga ñac Hetña Uria gêmac êndu amboac tonanjenj.’ ”

22 Amboac tonañ ñac jaenña jagêjac miñ biñ samob, tañ Joab kasakiñ enj gebe êsôm nan, êndên Dawid.

23 Ñac jaenña kêsôm gêdên Dawid gebe “Lau tônê sêlêlêc aêac ma sêsa anja malac sêmênj gebe sênac aêac anja awênja. Go aêac ajac êsêac ma alêsuc êsêac dêdên malac ñasacgêdô sêja.

24 Go lau talamña sêkô tunbôm ñaô ma sêpê nê sakinjwaga ñagêdô êndu. Nê sakinjwaga ñac Hetña Uria gêmâc êndu amboac tonañenj.”

25 Go Dawid kêsôm gêdên ñac jaenña gebe “Ônac Joab têtac tôñ ña biñ tonac gebe ‘Biñ tonañ êkênj wapac aôm êlêlêc su atom, gebe siñ gesen ñac tenj galoc ma tenj oc êndên ñasawa tenj. Ônac siñ ñajaña êndên malac tau e ôku tulu su.’ ”

26 Gêdên tañ Urianê awê gênô ñawae gebe nê akwenj Uria gêmâc êndu nan, enj kêtanj tanjiboa kêtû nê akwenja.

27 Gêdên tañ kêkac abec su nan, Dawid kêsakiñ ñac tenj jakêkôc Batseba gêmênj ênê andu ma gêjam enj kêtû nê awê ma awê tau kêkôc ênê latu tenj. Mago gên, tañ Dawid gêgôm nan, gêjac Apômtau mataanô ñajam atom.

## 12

### *Natan gêbu Dawid*

1 Ma Apômtau kêsakiñ propete Natan gêdên Dawid gêja. Enj gêô lasê ma kêsôm gêdên Dawid gebe “Ñac luagêc sêmoa malac tenj. Tenj ñac tolêlôm ma tenj ñac ñalêlôm sawa.

2 Ñac tolêlôm nê domba to bulimakao taêsam ñasec.

<sup>3</sup> Mago ñac ñalêlôm sawa nê gêñ masi, domba ñalatu têna tagenñen, tañ enj gêjam ôli. Ma enj gêlôm nê gêñ e kêtú kapôênj gêwiñ enj to nê ñapalêo to ñac. Agêc senj to sênôm gaenj kêsêp tagenj ma gêc bêc gêsac enj labum ma ñataú gêlic enj kêtôm latuo tenj.

<sup>4</sup> Bêc tenj ñaclenj tenj mênjgêô lasê gêdênj ñac tolêlôm. Ma ñac tau gedec gebe êkôc taunê domba me bulimakao nêñ tenj gebe êmansañ êtu ñaclenj, tañ jagêô lasê gêdênj enj nanña. Mago enj kêkôc ñac ñalêlôm sawa nê domba tagenñen su ma kêmasañ kêtú ñaclenj, tañ gêmênj gêdênj enj nanña.”

<sup>5</sup> Go Dawid têtac ñandanj ñanô gêdênj ñac tonañ ma kêsôm gêdênj Natan gebe “Aê jatôc lemoc êndênj Apômtau mata jali gebe ñac, tañ gêgôm gêñ amboac tonañ nanj ênanja.

<sup>6</sup> Ma enj oc êjô domba tonañ êtu dim aclê, gebe gêgôm gêñ amboac tonañ ma taê walô ñagec gêc enñata atom.”

<sup>7</sup> Natan kêsôm gêdênj Dawid gebe “Ñac tau aôm taôm goc. Apômtau, lau Israel nêñ Anôtô, kêsôm amboac tonec gebe ‘Aê gaenj oso aôm kôtu lau Israel nêñ kinj ma gajam aôm sa anja Saul lêma.

<sup>8</sup> Ma kakênj nêm ñataunê andu gêdênj aôm gôwê kainj ma ênê lauo toónjenj wacsênjgônj aôm labômm ñaô to kakênj gôlôac Israel to Juda dêdênj aôm. Ma embe tonañ êtôm atom nanjo jakênj gêñ ñagêdô wacênsac ñaô.

<sup>9</sup> Aôm lanjôm gelo Apômtaunê binj ma gôgôm gêñ sec, tañ gêjac matocanô ñajam atom nanj, kêtú asagenña. Aôm gôjac ñac Hetña Uria ña sinj êndu ma gôjam ênê awê kêtú nêm awê. Aôm gôjac enj ña lau Amon nêñ sinj êndu.

10 Amboac tonañ sinj tau oc êwê nêw wakuc sinj atomanô gebe lanjôm gelo aê ma kôkôc ñac Hetña Uria nê awê su gebe êtu aômnêw awê.’

11 Tec Apômtau kêsôm gebe ‘Ôlic acgom, aê oc jakalem gêwawapac êpi aôm anja aôm taômnêw gôlôac nêw. Ma oc jakôc aômnêw lauo su ma jakêw êndêw nêw ñac wachañ aôm ma eñ oc ênêc êwiñ nêw lauo ênêc awêgeñ êndêw oc êkôgeñ.

12 Gebe aôm gôgôm gêw tau kelecgeñ, mago aê oc janjôm gêw tonañ êndêw lau Israel samob sêlic êndêw ocsalô.’”

13 Go Dawid kêsôm gêdêw Natan gebe “Aê gagôm sec gêdêw Apômtau.” Natan gêjô Dawid awa gebe “Amboac tonañ Apômtau kêsuc nêw sec ôkwi, aôm oc ômac êndu atom.

14 Mago kôsu Apômtau susu ña binj tonañ, tec nêw ñapalê, tañ têna êkôc eñ nanj, oc êmac êndu.”

15 Go Natan gêmu gêja nê andu.

### *Dawidnê latu gêmac êndu*

Ma Apômtau gêjac Dawidnê ñapalê, tañ Urianê awê kêkôc nanj, e gêmac gêgôm eñ.

16 Amboac tonañ Dawid ketenj Apômtau kêtü ñapalêña ma gajam dabunj mo ma kasô nê balêm gaja jagêc nom kêtôm gêbêc samob.

17 Ma ana laumata sêkô sêwiñ eñ sebe sêsunj eñ sa, mago eñ gedec ma geñ gêw gawinj êsêac atom amboac tonañgeñ.

18 Gêdêw bêc kêtü 7ña ñapalê tau gêmac andu. Ma Dawidnê sakinwaga têtêc gebe sêsôm ñapalê gêmac endu ñawae êndêw eñ. Êsêac taenj gêjam gebe “Gêdêw tañ ñapalê gêmoa mata jaligenj nanj, aêac tasôm binj gêdêw eñ, mago kêkêw taña aêac atom. Aêac tasôm

ɲapalê gêmác êndu su ɲawae lasê êndên en amboac ondóc. Oc moae en êngôm tau paliɲ.”

19 Mago gêdên taɲ Dawid gêlic êsêac sêjac biɲ kesec-kesec gêdên taun naɲ, en kêjala gebe ɲapalê gêmác êndu su ma kêtú kênac nê sakiɲwaga gebe “ɲapalê gêmác êndu me.” Êsêac sêjô en awa gebe “Aec, gêmác êndu.”

20 Go Dawid gêdi sa anɲa nom ma gêliɲ bu to gen oso ôli ma kêsô ɲakwê ten. Go kêsô Apômtaunê lômbec jaketen mec. Su, go gêmu gêja taunê andu ma keten gên taniɲa. Tec sêkôc gên dêdên en jagen.

21 Ma ênê sakiɲwaga sêsôm gêdên en gebe “Gôgôm amboac tonan ɲam amboac ondóc. ɲapalê mata jali gêmóa ma gôjam dabuɲ mo to kôtaɲ ɲanô kêtú enɲa. Ma gêdên taɲ ɲapalê gêmác êndu su naɲ, gôdi sa ma goen gên.”

22 Ma en gêjô êsêac awen gebe “Gêdên taɲ ɲapalê mata jali gêmóa naɲ, aê gajam dabuɲ mo to katan taɲiboa gebe taêc gêjam amboac tonec gebe ‘Asa kêjala Apômtau, oc moae taê walô aê ma êkên ɲapalê êmóa mata jali.’

23 Galoc gêmác êndu su, tec janam dabuɲ mo êtu agenɲa. Oc jakôc en êmu êmên êtiam me. Aê oc jandên en jana, mago en oc êmu êndên aê êtiam atomanô.”

24 Go Dawid gêjam malô nê awê Batseba ma kêsô jagêc gêwiɲ en. Ma en kêkôc ɲapalê ɲac ten ma gê ênê ɲaê gebe Salomo. Ma Apômtau têtac gêwiɲ en

25 ma kêsakiɲ propete Natan gebe ê ênê ɲaê gebe Jedidia (ɲam gebe Anôtô têtac gêwiɲ) kêtú Apômtauɲa.

12:26–14:20 Dawid kêku lau Amon nêj malacsêga tulu. Mago Dawidnê gôlôacnêj biñ kêlênsôj. Dawid latu Absalom gêjac lasi têna tenja êndu kêtû gêgôm sec gêdêj Absalom lasio Tamarja. Absalom gêc su jagêmoa gamêj Gesur jala têtêac. Joab kêkac Dawid gebe êkalem Absalom êmu êmêj.

## 14

### *Dawid agêc Absalom sê sêlêb tauj kêtiam*

<sup>21</sup> Go kiñ kêsôm gêdêj Joab gebe “Gôlicgac, aê jakêj êwiñ nêmi biñ, tañ koteñ nanj. Naôkôc ñac wakuc Absalom êmu êmêj êtiam.”

<sup>22</sup> Ma Joab gêu tau lañôanô gêdêj nom ma ketoc kiñ sa to gêjam mec eñ. Ma Joab kêsôm gebe “Ocsalô nêmi sakiñwaga aê kajala gebe ñoc ñatau kiñ gêlic aê gajac mataanô ñajam ma kiñ tau gêlôc kêtû biñ, tañ kateñ nanja.”

<sup>23</sup> Amboac tonaj Joab gêdi gêja Gesur ma kêkôc Absalom gêmu gêmêj Jerusalem kêtiam.

<sup>24</sup> Ma kiñ tau kêsôm gebe “Eñ êngôj taunê andu ma êmoa tauja. Eñ êmêj êkô aê lañôcnêmja atom.” Tec Absalom gêmoa nê tauja gêngôj ênê andu ma jakêkô kiñ lañônêmja atom.

<sup>25</sup> Ñac lañôêjam tenj kêtôm Absalom gêmoa Israel ñalêlôm atom. Lañôanô latu-latu ma ôli ñageo gêc atomanô.

<sup>26</sup> Gêdêj tañ jala gêjac pep nanj, eñ kêkapiñ nê môkêlauñ gebe môkêlauñ ñawapac kêsa. Ma kêkêj môkêlauñ kêpi dôj ma gêlic ñawapac kêtôm kiñnê dôj kilo 2.

<sup>27</sup> Ma Absalomnê latui têtêac ma latuo tagen, ñaê Tamar. Awê tonaj awê êjam ñanô.

<sup>28</sup> Amboac tonañ Absalom gëmoa Jerusalem jala samuc luagêc ma kêsa kiñ lañônêm ñagec atomanô.

<sup>29</sup> Go Absalom kêsakiñ biñ gêdêñ Joab gebe êmêñ ma Absalom êsakiñ eñ êndêñ kiñ êna. Mago Joab gedec ma gêja atom. Ma eñ kasakiñ biñ kêtiam kêtü luagêcña, mago Joab gêja atom.

<sup>30</sup> Tec eñ kêsôm gêdêñ nê sakiñwaga gebe “Alic acgom, Joabnê kôm gêc kêsi aêñoc kôm ma eñ kêsê polom kêkô tonañ. Ana ma akêñ ja êniñ kôm tau.” Amboac tonañ Absalomnê sakiñwaga sêkêñ ja geñ kôm tau.

<sup>31</sup> Go Joab gêdi gêdêñ Absalom nê andu gêja ma kêsôm gêdêñ eñ gebe “Aômnêm sakiñwaga sêkêñ ja geñ aêñoc kôm kêtü agenña.”

<sup>32</sup> Absalom gêjô Joab awa gebe “Gôlicgac me, aê kasakiñ biñ gêdêñ aôm gebe Ômôêñ gebe jasakiñ aôm ôndêñ kiñ ôna ma ôtu kênac eñ gebe ‘Aê gamu gamêñ anga Gesur kêtü agenña. Aê gacgeñ jamoa tônêmanñ oc ñajam êlêlêc. Amboac tonañ ôlôc gebe najakô kiñ lañônêmña ma embe jawê kaiñ biñ ten, go eñ ênac aê êndumanñ.’ ”

<sup>33</sup> Go Joab gêdêñ kiñ gêja ma gêjac miñ biñ gêdêñ eñ. Ma kiñ gêmôêc Absalom. Amboac tonañ eñ gêdêñ kiñ tau gêja ma gewec lañôanô kêsêp nom gêc kiñ lañônêmña. Ma kiñ kêlêlêc Absalom alianô.

## 15

### *Absalom gêli tau sa gêdêñ Dawid*

<sup>1</sup> Tonañ su, go Absalom gêjam ôli kareta to hos ma kêkôc lau 50 gebe sêlêti sêmuñ eñ.



<sup>2</sup> Kêtom têm samob Absalom gêdi gêdêñ bêbêcgeñ jakêkô intêna kêsi malac ñasacgêdôña. Ma elémê ñac teñ embe êmêñ gebe êlic kiñ êtu êmêtôc ênê biñ ñasawaña, nañ Absalom oc êmôêc eñ ma êtu kênac gebe “Aôm aña malac ondoc.” Ma eñ embe êjô eñ awa gebe “Nêm sakiñwaga aê aña Israelnêñ ton teñ”,

<sup>3</sup> go Absalom oc êsôm êndêñ eñ gebe “Ôlic acgom, nêm biñ ñajam to gêdêñ, mago kiñnê ñac gebe êñô aôm nêm biñña gêmoa atom.”

<sup>4</sup> Ma Absalom kêsôm gêwiñ gebe “Oe, sêkêñ aê jatu ñacmêtôc aña gamêñ tonecmañ, go lau samob, tañ nêñ biñ ênêc nañ, dêndêñ aê sêmêñ ma jamêtôc nêñ biñ naêndêñgeñ.”

<sup>5</sup> Ma ñac teñ embe êndambiñ gebe êpôñ aduc êndêñ eñ, go Absalom êmêtôc lêma ma êkam eñ sa to êlêsoñ eñ alianô.

<sup>6</sup> Absalom gêgôm amboac tonañ gêdêñ lau Israel samob, tañ sêmêñ gebe kiñ êmêtôc êsêacnêñ biñ nañ, ma gêjam lau Israel nêñ ñalêlôm ôkwi gêdêñ eñ tau.

<sup>7</sup> Jala aclê gêjaña, go Absalom kêsôm gêdêñ kiñ gebe “Aê jateñ aôm gebe ôlôc gebe jana Hebron ma jañgôm biñ, tañ gajac mata gêdêñ Apômtau nañ, ñanô êsa.

<sup>8</sup> Gêdêñ tañ gañgôñ Gesur Aram nañ, nêm sakiñwaga gêjac mata biñ ma kasôm gebe ‘Embe Apômtau êkêñ aê jamu jana Jerusalem biññanôgeñ, go janam sakiñ eñ aña Hebron.’ ”

<sup>9</sup> Ma kiñ tau kêsôm gêdêñ eñ gebe “Ôna to-biñmalôgeñ.” Amboac tonañ Absalom gêdi ma gêja Hebron.

10 Mago Absalom kêsakinj lau jaenja kelegen kêtôm Israelnêj gôlôacmôkê samob sêja ma sêsôm gebe “Amac embe anjô dauc êtañ, go anam lasê to asôm gebe ‘Absalom kêtû kinj anja Hebron.’”

11 Absalom ketenj lau 200 anja Jerusalem gebe têtû ñaclen en, tec sêsêlênj sêwiñ en. Êsêac sêjam kauc binj samob tonanñ ñai ma sêwiñ en tonênj ñalêlôm sawa binjagenj sêja.

12 Gêdênj tañ Absalom kêkênj da gêmoa nanj, en kêsakinj binj gêja malac Gilo gebe Dawidnê ñac gêwa binj saña Ahitopel êndênj en êmênj. Ma binj sêli tañ saña kêtû kapôênj ma lau totonj-totonj sêwiñ Absalom.

### *Dawid gêwi Jerusalem sinj*

13 Ma ñac jaenja tenj mênjgêô lasê gêdênj Dawid ma kêsôm gebe “Lau Israel nêj ñalêlôm gêjam tau ôkwi jakêsap Absalom tônj.”

14 Go Dawid kêsôm gêdênj nê sakinwaga samob, tañ sêmoa sêwiñ en anja Jerusalem nanj, gebe “Ajôc, taêc. Embe taêc atom, oc tawê Absalom sa atom. Anjôm ñagaô. Embe masi, oc Absalom mênjêô lasê tonec sebenj ma êkôninj aêac to ênac lau malacm tau ña sinj êndu.”

15 Ma kinjê sakinwaga sêjô enj awa gebe “O ma ñatau kinj, nê m sakinwaga aêac, tec anjôm nê m binj ñanô êsa.”

16 Amboac tonanñ kinj gêdi gêja ma nê gôlôac sêwiñ en. Ma kinj gêwi nê lauo 10 sinj gacgenj sêmoa gebe sejop andu.

17 Ma kinj gêdi gaja ma lau samob têdaguc enj ma anja andu ñamuña êsêac sêka tônj sêkô sêlêwanj tañ.

18 Go nê sakinwaga samob sêôc lêlêc enj sêja. Ma sinwaga Keret to Peletja, tañ sejop enj njanan nan, to lau Git 600, tañ tédaguc enj anja Gat nan, jasêôc lêlêc kinj.

19 Go kinj tau kêsôm gêdêñ njac Gitja Itai gebe “Aôm gobe ôwiñ aêac êtu asagenja. Ômu ôna ma ômoa ôwiñ kinj wakuc gebe aôm njacjaba ma têtin aôm su anja nêmalacmôkê mênjgônjôn gamên jaba.

20 Nôgenj tec gômôênj ma ocsalô tonec oc jakac aôm gebe ônac laoc gamênj ôwiñ aêac me. Aê jana, tagenj gajam kauc jana ondoc. Ôkac taôm ôkwi to nêmalasitêwaigenj amu ana. Apômtau têtac gêwiñ aôm ma êmoa êwiñ aôm njanênjenj.”

21 Go Itai gêjô kinj awa ma kêsôm gebe “O njoc kinj, aê jasôm êtu tôn jakô Apômtau mata jali lanjônêma njac gebe gamênj, tañ aôm ôna nan, aê jawinj ma embe jamac êndu oc jamac êndu.”

22 Tec kinj kêsôm gêdêñ Itai gebe “Amboac tonanj ôsêlêñ ômuñ aê.” Tec njac Gitja Itai to nê lau samob ma nênj gôlôac saunj samob, tañ sêmoa sêwiñ enj nan, sêselêñ sêmuñ Dawid sêja.

23 Ma gêdêñ tañ lau samob sêôc lêlêc Dawid sêja nan, lau samob têtanj njanô ma kinj gelom bu Kidron ma lau samob sêmuñ enj sepenj gamênj sawagenj sêja.

24 Ma Abiatar agêc Sadok sêwiñ lau Lewit samob, tañ sêbalanj Anôtônê poac njakatapa nan, sêô lasê amboac tonanj. Ma êsêac tetoc Anôtônê poac njakatapa kêkô e lau samob anja malac sêsa sêmênj.

25 Go kinj tau kêsôm gêdêñ Sadok gebe “Ôkôc Anôtônê poac njakatapa êmu êsô malac kapôênj êna

êtiã. Embe Apômtau êlic aê ênac mataanô ñajã, go êkêñ aê jamu jamêñ ma jalic katapa tau to ênê gamêñ êtiã.

<sup>26</sup> Mago embe êsôm gebe ‘Aê matocanô galic aôm ñajã atom’, go êngôm aê êtôm eñ taê ênam. Aê tec gamoa.”

<sup>27</sup> Go kiñ kêsôm biñ teñ gêdêñ dabunwaga Sadok gêwiñ gebe “Ôlic acgom, ômu ôna malac tobiñmalôgeñ, amagêc Abiatar awiñ nêmi latômiagêc, nêmi latôm Ahimas agêc Abiatar latu Jonatan.

<sup>28</sup> Ôlic acgom, aê oc jansaê ança buselen, tañ gêc gamêñ sawa nañ, e jatap ñawae teñ sa ança amacnêmi.”

<sup>29</sup> Amboac tonañ Sadok agêc Abiatar sêbalan Anôtônê poac ñakatapa sêmu sêja Jerusalem ma gagceñ sêmoa tonañ.

<sup>30</sup> Mago Dawid jakêpi lôc Katêkwi totañiboageñ. Eñ kêsêlêñ ña atapa ñaômageñ to gêsãñ lañôanô auc. Ma lau samob, tañ sêwiñ eñ nañ, sêsãñ lañôñanô auc ma sêsêlêñ sêpi sêja totañiboageñ amboac tonañgeñ.

<sup>31</sup> Ma ñawae gêdêñ Dawid gebe “Ahitopel gêwiñ lau sêli tañ saña gêmoa gêwiñ Absalom.” Go Dawid gêmôêc gebe “O Apômtau, aê jateñ aôm, ônam Ahitopelnê biñ ôkwi êtu biñ meloc.”

<sup>32</sup> Gêdêñ tañ Dawid gêô lasê gamêñ, tañ sêjam sakiñ Anôtô sêmoa ança lôc ñatêpôê nañ, nê ñac Ark Husai gêdac eñ. Eñ kêkac nê ñakwê gêngic ma nom gi eñ mômêapac.

<sup>33</sup> Ma Dawid kêsôm gêdêñ eñ gebe “Aôm embe ôwiñ aê oc ônam aê sa êtôm atom.

<sup>34</sup> Mago aôm embe ôna malac ma ôsôm êndên Absalom gebe ‘O kiñ, aê gabe jatu nêm sakinwaga amboac gêmunğen katu tamamnê.’ Embe ôngôm amboac tonan, go ônam aê sa ma onseñ Ahitopelnê biñ su.

<sup>35</sup> Dabuñwaga Sadok agêc Abiatar sêmoa sêwiñ aôm. Amboac tonan biñ samob, tañ ôñô anğa kiñnê andu nan, ôndôn êndên dabuñwaga Sadok agêc Abiatar.

<sup>36</sup> Êsêagêcnên latuñiagêc Sadok latu Ahimas agêc Abiatar latu Jonatan sêmoa sêwiñ êsêagêc ma aôm ôsakin êsêagêc tobiñ samob, tañ aôm ôñô nan, dêndên aê sêmên.”

<sup>37</sup> Tec gêdên têm, tañ Absalom jakêsô Jerusalem nan, Dawidnê ñac Husai jagêô lasê amboac tonanğen.

## 16

### *Dawid agêc Siba*

<sup>1</sup> Gêdên tañ Dawid jakêlêlêc lôctêpôê ñagec su nan, Mepibosetnê sakinwaga Siba kêpuc en têt-têt todonki luagêc ma waba. Polom 200 ma wain kwalim 100 ma kañanô 100 ma bôc ñaôlic towain teñ gêsac donki ñaô.

<sup>2</sup> Ma kiñ kêtû kênac Siba gebe “Gên tonan ñam amboac ondoc.” Go Siba gêjô en awa gebe “Donki sênam kiñnê gôlôac sa gebe sênğôn ñaô. Ma lau wakuc sênin polom to kañanô ma êsêac, tañ tekwen gêbac anğa gamên sawa nan, sênôm wain.”

<sup>3</sup> Go kiñ kêtû kênac gebe “Ma nêm ñataunê latu gêmoa ondoc.” Tec Siba gêjô kiñ awa gebe “En gênğôn Jerusalem gebe en kêsôm gebe ‘Ocsalô

tonec gôlôac Israel oc sêkêñ tamocnê gamêñ kiñña êmu êndên aê.”

<sup>4</sup> Tec kiñ kêsôm gêdên Siba gebe “Amboac tonañ gên samob, tañ kêtú Mepibosetnê nan, êtu aômnêm.” Ma Siba kêsôm gebe “Ñoc ñatau kiñ, aê jasô aôm ñalabu, matamanô êlic aê ñajammañ.”

### *Dawid agêc Simei*

<sup>5</sup> Gêdên tañ kiñ Dawid mêngeô lasê malac Bahurim nan, ñac teñ anga Saulnê gôlôac, Gera latu Simei kêsá anga tonañ gêmên gebe êpuc en tônia-tônia. En kêsêlên tonê ñalêlôm secgen gêmóa ma kêpuc boa Dawid gêmóa intêna.

<sup>6</sup> Dawidnê lau samob to siñsêlêc sêgi en auc, mago Simei kêtuc Dawid to nê sakiñwaga ña poc.

<sup>7</sup> Ma Simei kêpuc boa en ma gêmôêc gebe “Ônaña, ônaña, dec kêsap aôm lêmam tônia, aôm ñac alôb-alôb.

<sup>8</sup> Aôm kôjanço Saulnê gôliñ kiñña su ma kôkêc Saulnê gôlôac nên dec taêsam siñ. Tec Apômtau kêkêñ ñagêjô kêpi aôm ma kêkêñ nêm gamêñ kiñña kêsêp latôm Absalom lêma. Kec, ñagêjô kêtap aôm, tañ lêmam siñdec nan sa sugac.”

<sup>9</sup> Go Seruia latu Abisai kêsôm gêdên kiñ gebe “Kêam ñamatê tonañ oc êpuc boa êoc ñatau kiñ êtu agenña. Ôsôm ma najandim en gêsutêkwa êñgic.”

<sup>10</sup> Mago kiñ gêjô en awa gebe “Seruia latui amac, aêacnên asagen ñagêdô gêdên tauñ. En embe êpuc boa aê gebe Apômtau kêsôm gêdên en gebe ‘Ôpuc boa Dawid,’ go asa êtôm gebe êsôm gebe ‘Gôgôm tonañ kêtú asagenña.’ ”

<sup>11</sup> Ma Dawid kêsôm gêdên Abisai to nê sakiñwaga samob gebe “Alicgac me, aê tauc latuc kêkic ñoc

biñ ma ñac Benjaminña tonañ oc êngôm atom me. Andec enj êpuc boa aêmanj gebe Apômtau kêjatu enj.

<sup>12</sup> Oc moae Apômtau êlic aêñoc gêñwapac ma êkênj moasinj êjô biñ kêpuc boa ocsalô tonecña su.”

<sup>13</sup> Amboac tonañ Dawid to nê lau sêsêlêñ sêmoa intêna ma Simei kêsêlêñ gêwiñ gêmoa lôcdênanj, tañ kêkanônj kiñ nanj, ma kêpuc boa enj to kêtuc enj ña poc ma kêpalip kekop kêpi gêgôm gedenj tôngeñ gêja.

<sup>14</sup> Ma kiñ tau to lau samob, tañ sêwiñ enj nanj, sêo lasê Jordan totekwenj gêbacgeñ ma anja tonañ enj kêlêwanj tau.

### *Absalom gêmoa Jerusalem*

<sup>15</sup> Absalom to lau Israelnêñ ñacwaga samob sêo lasê Jerusalem ma Ahitopel gêmoa gêwiñ enj.

<sup>16</sup> Ma gêdêñ tañ Dawidnê ñac Ark Husai jagêo lasê gêdêñ Absalom nanj, enj awa gêoc Absalom gebe “Kiñ êmoa tengeñ, kiñ êmoa tengeñ.”

<sup>17</sup> Ma Absalom kêsôm gêdêñ Husai gebe “Aôm têtac gêwiñ nêñ ñac amboac tonañ me. Kêtu asageñña aôm gôwiñ nêñ ñac gôja atom.”

<sup>18</sup> Ma Husai kêsôm gêdêñ Absalom gebe “Masi, aê jatu ñac, tañ Apômtau to lau tonec ma ñacwaga Israel pebeñ sêjalij enj sa nanj, nê gêñ ma aê jamoa jawiñ engeñ.

<sup>19</sup> Ma tenj êwiñ, aê janam sakiñ asa. Oc janam sakiñ ñoc ñatau latu atom me. Janam sakiñ aôm êtôm gajam sakiñ tamam.”

<sup>20</sup> Go Absalom kêsôm gêdêñ Ahitopel gebe “Ôwa sa acgom, galoc aêac danjôm asageñ.”

<sup>21</sup> Ahitopel gêjô Absalom awa gebe “Aôm ôsô ôndêñ tamamnê awênê anaio, tañ gêwi êsêac siñ gebe sejop andu tau nanj ôna. Go Israel samucgeñ

sêhò ñawae gebe kôkêñ taôm kôtu tamamnê ñacjo, go samob, tañ sêsap aôm tôñ nañ, tekweñ saki êsa.”

<sup>22</sup> Amboac tonañ êsêac sê becobo teñ kêtú Absalomña kêkô andu ñasalôm tapa-tapa ñaô. Ma Absalom kêsô gêdêñ tamanê awênê anaio ma Israel samob sêlic.

<sup>23</sup> Gêdêñ ñasawa tonañ Ahitopel embe êwa biñ teñ sa, nañ tetoc biñ tau sa ma sêlic amboac anga Anôtô taunê. Dawid agêc Absalom lulugeñ tetoc Ahitopel nê biñ sa kêtôm tonañ.

## 17

### *Husai gesen Ahitopelnê biñ*

<sup>1</sup> Go Ahitopel kêsôm gêdêñ Absalom gebe “Tajaliñ lau 12,000 sa ma aê jandi ma jandanguc Dawid êndêñ êmbac tonec.

<sup>2</sup> Aê oc jandac eñ êndêñ tañ eñ têkwa êmbac ma têtac ñatutuc ma jatakê eñ to lau samob, tañ sêwiñ eñ nañ sêc sêna. Aê oc janac kiñ taugen

<sup>3</sup> ma jakôc lau samob sêmu dêdêñ aôm sêmêñ amboac awê teñ gêmu gêdêñ nê akweñ gêmêñ. Aôm gobe ônac ñac tagenげñ ma lau samob sêmoa tobiñmalôげñ.”

<sup>4</sup> Ma biñ tau kêmoasiñ Absalom to Israel nêñ launânô samob.

<sup>5</sup> Go Absalom kêsôm gebe “Amôêc ñac Ark Husai amboac tonanげñ ma tañô biñ, tañ eñ taê gêjam nañ.”

<sup>6</sup> Ma gêdêñ tañ Husai mêngeô lasê gêdêñ Absalom nañ, Absalom kêsôm gêdêñ eñ gebe “Ahitopel kêsôm amboac tonañ. Aêac danğôm êtôm eñ kêsôm me masi. Embe masi, go ôwa biñ tau sa.”



<sup>7</sup> Go Husai kêsôm gêdêḡ Absalom gebe “Biḡ taḡ Ahitopel kêsôm gêdêḡ aôm gebe danḡômḡa naḡ, ḡjam atom.”

<sup>8</sup> Ma Husai kêsôm gêwiḡ gebe “Aôm kôjala gebe tamam to ḡacwaga, taḡ sêwiḡ eḡ naḡ, lau ḡactêkwa ma êsêac têtac ḡandaḡ sec amboac bôclai têna teḡ, taḡ gêmoa saleḡ ma sêjaḡgo ḡalatu su aḡga ênê naḡ. Ma biḡ teḡ Aôm tamam eḡ siḡsêlêc lanḡwa ma kêjala siḡ ḡaḡôliḡ. Eḡ oc êkêḡ nê lau sêlêwaḡ taḡḡ êndêḡ êmbêc atom.

<sup>9</sup> Taêm ênam, Dawid galocḡeḡ oc kêsiḡ tau ôkwi aḡga pocḡêsuniḡ me gamêḡ teḡ. Ma embe siḡ êsa ma sênac nêḡ lau ḡaḡêdô êndu, go lau taḡ sêḡô ḡawae naḡ, oc sêsôm gebe ‘Lau taêsam taḡ têdaguc Absalom naḡ sêjaḡa.’

<sup>10</sup> Go ḡac têtac kêpa suna, taḡ nê ḡalêlôm amboac lewe nê naḡ, oc êtu palê ma êtêc tau ḡanôḡeḡ. Gebe Israel samucḡeḡ sêjala gebe aôm tamam eḡ ḡac siḡsêlêc to êsêac, taḡ sêwiḡ eḡ naḡ, lau toḡaclaigeḡ.

<sup>11</sup> Mago biḡ taḡ aê taê gajam gebe danḡôm naḡ, tonec gebe Israel samucḡeḡ aḡga Dan e êndêḡ Berseba sêkac taḡḡ sa sêpi tagenḡ dêndêḡ aôm. Êsêac lau taêsam ḡanô lasê amboac gaḡac ḡwêcḡa ma aôm taômḡeḡ ôwê êsêac sênac siḡ.

<sup>12</sup> Aêac embe tatap Dawid sa aḡga nê ḡasawa teḡ, go aêac takôm eḡ auc amboac maniḡ kêsêlô kêsêp nom ma eḡ tonê lau, taḡ sêmoa sêwiḡ eḡ naḡ, nêḡ teḡ oc êwê sa atom.

<sup>13</sup> Eḡ embe êtaiḡ tau su naêlamu malac totuḡbôm teḡ, go Israel samucḡeḡ sêkôc lêpoa sêna malac tonanḡ ma sê malac tau êsêp gaboanḡ to senseḡ su ênaḡa e têtap ḡapoc tagenḡeḡ sa êtiam atom.”

14 Ma Absalom to Israelnêḡ ḡacwaga samob sêsôm gebe “ḡac Ark Husai nê biḡ ḡajam kêlêlêc Ahitopelnê su.” Apômtau gebe enseḡ Absalom su, tec kêkêḡ êsêac sêwi Ahitopelnê biḡ ḡajam siḡ gêcḡa.

15 Go Husai gêjac miḡ biḡ, taḡ Ahitopel kêsôm gêdêḡ Absalom to lau Israelnêḡ kasêga ma biḡ, taḡ eḡ tau kasôm gêdêḡ êsêac naḡ, gedenḡ dabuḡwagaagêc Sadok agêc Abiatar.

16 Ma kêsôm biḡ tonec gêwiḡ gebe “Asakiḡ biḡ ḡagaôgeḡ êna ma asôm endenḡ Dawid gebe êmoa buselenḡ gamêḡ sawaḡa êndêḡ êmbêc atom. Selom bu sêna ḡamakenḡ gebe gêḡwapac êtap kiḡ to lau samob, taḡ semoa sêwiḡ eḡ naḡ sa atom.”

17 Jonatan agêc Ahimas sêsaê sêmoa bumata Enrogel. Sakiḡwagao teḡ gêja ma kêsôm biḡ gêdêḡ êsêagêc gebe êsêagêc nasêsôm ḡawae êndêḡ kiḡ Dawid. Êsêagêc tauḡ têtôm gebe sêsa malac tau sêna e lau sêlic êsêagêc nec atom.

18 Mago ḡapalê teḡ gêlic êsêagêc, tec jagêjac miḡ gêdêḡ Absalom. Amboac tonanḡ agêc sêwi gamêḡ tonanḡ siḡ ḡagaôgeḡ ma jasêô lasê ḡac teḡ anḡa malac Bahurim nê andu. Ênê sê buḡa teḡ gêc nê malacluḡ, tec êsêagêc sêsêp sê tau ḡalêlôm sêja.

19 Ma ḡac tau nê awê jakêgadê sê awa auc ma kêta mopolom ḡanô gêsac gadê ḡaô e gêḡ teḡ gêc awê atom.

20 Gêdêḡ taḡ Absalom nê sakiḡwaga jasêô lasê dêdêḡ awê tau anḡa andu tonanḡ naḡ, êsêac têtû kênac gebe “Ahimas agêc Jonatan semoa ondoc.” Awê tau gêjô êsêac awenḡ gebe “Êsêagêc selom bu sêja.” Ma êsêac sesom elêmê, mago têtap êsêagêc sa atom. Tec sêmu sêja Jerusalem kêtiam.

21 Sêc sêja su acgom, go êsêagêc sêpi anğa sê sêmênj kêtiam ma sêja sêkênj nğawae gêdênj kinj Dawid tau. Êsêagêc sêsôm gêdênj Dawid gebe “Ôndi ma sebenj olom bu nğamakerj ôna.” Go sêjac minj binj, tanj Ahitopel kêsôm kêtü enjja nanj.

22 Tec Dawid to lau samob, tanj sêmoa sêwiñ enj nanj, dêdi selom bu Jordan su sêwi nêñ nğac tenj sinj gêmoa nğamakerj ônêñja atom.

23 Ahitopel gêlic gebe sêgôm ênê binj samob nğanô kêsa atom, tec kêmasañ nê donki ma gêc gêja taunê malacmôkê. Enj kêmasañ nê binj to gênj samob gêbacnê ma jagêbic tau êndu ma sêsuñ enj anğa tamanê sêô.

### *Dawid gêmoa malac Mahanaim*

24 Go Dawid jagêô lasê Mahanaim ma Absalom to lau Israel nêñ nğacwaga samob selom bu Jordan sêja.

25 Absalom kêkênj Amasa kêtü sinjwaganênj nğamata gêjô Joab su. Amasa tonañ enj nğac Ismael İtra latu. İtra tau gêjam Nahas latuo Abigail. Enj Joab têna Seruia lasio.

26 Absalom to lau Israel sê nêñ becobo sêmoa gamênj Gilead.

27 Gêdênj tanj Dawid gêô lasê Mahanaim nanj, Nahas latu Sobi anğa Amon nêñ malac Raba agêc Amiel latu Makir anğa Lodebar ma nğac Gileadñja Barsilai anğa Rogelim,

28 sêkôc mê to laclu ma ku to mopolom tokainj-tokainj ma polom sigob to gabab ma gêngaga nğagêdô.

29 Êsêac sêkôc lêp to nğalêsi ma su gêjac anô sêmênj gebe Dawid to lau sinjja, tanj sêmoa sêwiñ enj nanj

sêniņ. Êsêac sêsôm gebe “Lau sêmoa gamêņ sawa e mo to bu gêjô êsêac ma tekweņ gêbac.”

## 18

### *Absalom gêmac êndu*

<sup>1</sup> Go Dawid gêjac nê lau, taņ sêmoa sêwiņ eņ naņ, kêsi ma kêkêņ êsêacnêņ laumata siņņa ñagêdô sêjam gôliņ lau 1,000 ma ñagêdô sêjam gôliņ lau 100.

<sup>2</sup> Go Dawid gêwa lau siņņa kêkôc gêja toņ têlêac. Toņ ñamataņa Joab gêjam gôliņ. Toņ teņ Seruia latu Joab lasi Abisai gêjam gôliņ. Ma toņ teņ ñac Gitņa Itai gêjam gôliņ. Ma kiņ kêsôm gêdêņ lau gebe “Aê tauc oc jawiņ amac amboac tonanņeņ.”

<sup>3</sup> Mago êsêac sêsôm gebe “Aôm ôwiņ aêac atom. Aêac embe aêc ñacjo su oc lau taêņ ênam biņ taêsam atom. Embe aêacma ñamakeņ sêmac êndu oc lau taêņ ênam biņ taêsam atom amboac tonanņeņ. Mago aôm tec kôlêlêc ma lau 10,000 su. Amboac tonanņeņ aôm embe ômoa malac ma ôpuc aêac toņ oc ñajam êlêlêc.”

<sup>4</sup> Tec kiņ kêsôm gêdêņ êsêac gebe “Gêņ taņ amac alic ñajam naņ, aê gabe jasô ñalabu.” Amboac tonanņeņ kiņ kêkô kêsi malac ñasacgêdô ma siņwaga samob sêsêlêņ sêsa sêja totonņ-totonņ. Toņ ñagêdô ñalau têtôm 100 ma toņ ñagêdô ñalau têtôm 1,000.

<sup>5</sup> Ma kiņ kêjatu Joab agêc Abisai ma Itai gebe “Anğôm ñac wakuc Absalom saic-saicgeņ atom êtu aêņa.” Ma lau samob sêņô jatu tonanņeņ, taņ kiņ kêkêņ gêdêņ êsêac laumata siņņa samob kêt u Absalomņa naņ.

6 Amboac tonañ Dawidnê sinwaga sêsa awê gebe nasêndac lau Israel. Ma sêjac sinj tau kêsa anğa salen Epraimņa.

7 Ma Dawid nê sinwaga sêku Israel tulu anğa tonañ. Sêjac sinj kapôênanô gêdên bêc tonañ. Lau 20,000 sêmac êndu.

8 Sinj tonañ gelom gêjam gamên tonañ auc ma gêdên bêc tonañ salen kêdanğonj lau taêsam kêlêlêc lau, tanj sinj gesen nanj su.

9 Ma Absalom kêtap Dawidnê sakinwaga sa. Absalom gêngônj nê donjki ñaô ma donjki tau jagêboanj kêsô kamem kapôênj ñalaka ñalêlôm gêja. Ma Absalom nê môkêlauj gêjac kêsô ñalaka ma enj gacgen genj kalenj ma donjki tau, tanj Absalom gêngônj ñaô nanj, gêboanj su gêc gêja.

10 Njac tenj gêlic gênj tau ma kêsôm gêdên Joab gebe “Ôlic acgom, aê galic Absalom genj kalenj kamem ñalaka.”

11 Joab kêsôm gêdên ñac, tanj kêsôm binj tau nanj gebe “Aôm gôlic enj me. Kêtu asagenña gôjac enj kêsêp nom gêmênj atom. Aê oc jakênj silber 10 êndênj aôm ma ômbinjak tenj êwiñ.”

12 Mago ñac tau kêsôm gêdên Joab gebe “Aê embe jatap silber 1,000 sa êsêp aê lemoc, mago oc jakênj lemoc êpi kinj latu atom. Gebe aêac anô kinj gêjac binjsu amagêc Abisai ma Itai gebe ‘Anğôm ñac wakuc Absalom saic-saicgenj atom êtu aêña.’

13 Ma aê embe janğôm gênj tenj kelecgenj êndênj enj katu oc êsinj tau êndênj kinj atom ma aôm taôm oc ônam aê kêsi atom.”

14 Joab kêsôm gebe” Aê gabe jajainj têm jawiñ aôm atom.” Go enj kêkôc kê m têlêac jagêgunj Absalom

kêsô bôdagi gêdêḅ taḅ eḅ mata jaligeḅ geḅ kalen kamem ḅalaka naḅ.

15 Ma lau matac 10, taḅ sêôc Joabnê laukasap naḅ, sêgi Absalom auc ma sêjac eḅ êndu.

16 Go Joab gêjac dauc kêtaḅ ma lau siḅḅa, taḅ sêjanda Israel naḅ, sêwi siḅ ma sêmu sêmêḅ gebe Joab kêkô êsêac auc.

17 Ma êsêac sêkôc Absalomnê ḅawêlêlaḅ ma sêbaliḅ kêsêḅ sê kapôêḅ teḅ aḅga salen ma sêboa poc toḅ kapôêḅ teḅ sa kêkô sê tau ḅaô. Ma lau Israel samob sêc sêja nêḅ andu gêdêḅ-gêdêḅgeḅ.

18 Gêdêḅ taḅ Absalom gêmoa mata jali naḅ, eḅ kêkôc alê poc teḅ jagêjac sa kêtû eḅ taḅḅa kêkô kiḅnê gaboaḅ gebe eḅ kêsôm gebe “Aê latuc masi gebe lau taêḅ ênam aê.” Eḅ gê taunê ḅaê kêpi alê poc tonan ma sêsam gêḅ tau gebe Absalomnê ḅabelo e gêdêḅ ocsalô tonec.

*Sêsôm Absalom gêmac êndu ḅawae gêdêḅ Dawid*

19 Go Sadok latu Ahimas kêsôm gêdêḅ Joab gebe “Ôkêḅ aê jalêti najakêḅ ḅawae êndêḅ kiḅ tau gebe Apômtau gêjam eḅ kêsi aḅga nê ḅaço nêḅ ḅaclai.”

20 Ma Joab kêsôm gêdêḅ eḅ gebe “Aôm ôkôc ḅawae ôna êndêḅ ocsalô tonec atom. Moae oc ôkôc ḅawae ôna êndêḅ bêc teḅ, mago galoc aôm ôna atom gebe kiḅ latu gêmac êndu.”

21 Go Joab kêsôm gêdêḅ nê sakiḅwaga ḅac Kusḅa gebe “Ôna ôkêḅ ḅawae êndêḅ kiḅ êtu gêḅ, taḅ gôlic naḅḅa.” ḅac Kusḅa gewec gêdêḅ Joab ma kêlêti gêja.

22 Go Sadok latu Ahimas kêsôm gêdêḅ Joab kêtiam gebe “Gêḅwapac teḅ embe êtap aê sa, go êtap samaḅ. Mago ôkêḅ aê jalêti jandaḅguc ḅac Kusḅa jana.” Ma Joab gêjô eḅ awa gebe” ḅoc latucenec,

ôlêti êtu asagenja. Aôm oc ôtap najêjô najam ten sa êtu ôkên najawaenja atom.”

23 Enj kêsôm kêtiam gebe “Gênwapac ten embe êtap aê sa, go etap sa, mago gabe jalêti jana.” Tec Joab kêsôm gêdên enj gebe “Ôlêtimañ.” Go Ahimas kêlêti kêdaguc intêna gaboanja jagêôc lêlêc naj Kusja su.

24 Dawid jagênngôn tunbôm nasacgêdô. Ma dibwaga tau kêpi tunbôm jakêkô sacgêdô nasalôm naô. Enj gêôc mataanô sa e gêlic naj ten taugenj kêlêti gêmênj.

25 Ma gêmôêc to kêsôm najawae gêdên kinj. Ma kinj kêsôm gebe “Embe enj taugenj oc moae kêkôc najawae najam gêmênj.” Najjaenj tau kêlêti mênkêdabinj.

26 Go dibwaga gêlic naj ten kêlêti gêmênj kêtiam. Tec enj gêmôêc binj gêdên gejobwaga sacgêdônja gebe “Ôlic acgom, naj ten taugenj kêlêti gêmênj kêtiam.” Kinj kêsôm gebe “Enj kêkôc najawae najam ten amboac tonanjenj.”

27 Ma dibwaga kêsôm gebe “Aê galic naj, tê kêlêti kêtû namata nê, amboac Sadok latu Ahimas.” Ma kinj kêsôm gebe “Enj naj najam ma oc kêkôc najawae najam.”

28 Go Ahimas gêmôêc gêdên kinj gebe “Gên samob najamgenj.” Go enj gewec gêdên kinj lanjanô gêdên nom ma kêsôm gebe “Awenj êôc Apômtau, aôm nê m Anôtô, tanj kêkênj lau, tê sêôc lemenj sa gêdên njoc njatau kinj nê, sêsô aôm njalabu nanj.”

29 Ma kinj kêtû kênac gebe “Naj wakuc Absalom gêmôa najam me masi.” Ahimas gêjô enj awa gebe “Gêdên tanj nê m laumata Joab kêsakinj nê m sakinjwaga aê nanj, aê galic lau taêsam sêjac seso taun, mago gajam kauc nam.”

<sup>30</sup> Ma kiñ kêsôm gebe “Mênôkô tonec.” Amboac tonañ en kêkac tau ôkwi ma kêkô ñañêñ.

<sup>31</sup> Go ñac Kusña mêngeô lasê ma kêsôm gebe “Ñawae ñajam kêtú ñoc ñatau kiñña. Ocsalô tonec Apômtau kakêñ lau, tañ sêli taun sa gêdêñ aôm nañ, sêsô aôm ñalabu.”

<sup>32</sup> Kiñ tau kêsôm gêdêñ ñac Kusña gebe “Ñac wakuc Absalom gêmôa ñajam me masi.” Ma ñac Kusña gêjô en awa gebe “O ñoc ñatau kiñ, aê gabe nêñ ñacjo samob to lau samob, tañ sêli taun sa gêdêñ aôm nañ, oc tatôm ñac wakuc tonañgeñ.”

<sup>33</sup> Kiñ tau atê gêmô en ma kêpi balêm, tañ gêc malac ñasacgêdô ñaô nañ, gêja ma kêtañ gebe “O ñoc latuc Absalom, latucenec Absalom. Jamac jajô aômman. O ñoc latuc Absalom, ñoc gêñenec.”

## 19

### *Joab kêsôm Dawid*

<sup>1</sup> Go sêkêñ ñawae gêdêñ Joab gebe “Ôlic acgom, kiñ kêtañ tañjiboa kêtú Absalomña.”

<sup>2</sup> Amboac tonañ gêdêñ bêc tonañ biñ sêku ñacjo tuluña tau gêjam tau ôkwi kêtú tañjiboa gêdêñ lau samob gebe lau sêñô ñawae gebe kiñ kêtañ tañjiboa kêtú latuña.

<sup>3</sup> Gêdêñ bêc tonañ lau siñña sêsa malac sêmênj kelecgeñ sêgôm amboac lau, tañ majen kêtú têtaiñ taun su aña siñña nañ.

<sup>4</sup> Kiñ gêsañ lañôanô auc ma kêtañ toawa-toawa gebe “O latuc Absalom, o Absalom latucenec, o gêñenec.”

<sup>5</sup> Go Joab kêsô andu gêdêñ kiñ gêja ma kêsôm gebe “Ocsalô tonec aôm gôgôm nêñ sakiñwaga



samob, tañ sêjam aôm to nêmlatômio to ñac ma nêmlauo to anenjo kêsimo amoa matem jali nañ, majen kêsimo.

<sup>6</sup> Aôm têtmac gêwiñ êsêac, tañ têtmac sec gêdên aôm nañ, ma têtmac gedec êsêac, tañ têtmac gêwiñ aôm nañ. Ocsalô tonec aôm gôwa taôm sa gebe gôlic lau siñsêlêc to nêmlakiñwaga samob amboac gêñ ñaôma. Galoc aê kajala gebe Absalom embe êmoa mata jali ma aêac samob amac êndu, go ôlic ñajam.

<sup>7</sup> Amboac tonañ galoc ôndi sa naôsôm biñ ñajam tenj êndên nêmlakiñwaga. Embe masi, go aê jatôc lemoc jakô Apômtau lanônêm gebe êndên êmbêc tonec ñac tenj oc êmoa êwiñ aôm atomanô. Biñ tonañ oc êtu biñ sec êlêlêc biñ samob, tañ kêtap aôm sa gêdên aôm ñapalêgen e mênghêdên galoc nañ su.”

<sup>8</sup> Go kiñ gêdi sa jagênghôn malac ñasacgêdô. Ma ñawae gêdên lau samob gebe “Alic acgom, kiñ gênghôn malac ñasacgêdô” ma lau samob sêsimo dêdên enj.

### *Dawid gêmu gêja Jerusalem*

Gêdên ñasawa tonañ Israelnên lau samob sêc dêdên taunên andu gêdên-gêdên genj sêja.

<sup>9</sup> Ma lau samob sêoc gêdô taun gêdên-gêdên genj kêtôm Israelnên gôlôacmôkêgen ma sêsôm gebe “Kiñ gêjam aêac kêsimo anja aêacnên ñacjo lemen ma gêjam aêac sa anja lau Pilisti lemen. Ma galoc enj gêwi gamên siñ ma gêc gêja kêtum Absalomña.

<sup>10</sup> Ma Absalom, tañ aêac taenj oso enj nañ, siñ gesen enj su. Ma amboac ondoc amac ajam taôm tôñ ma asôm biñ tenj gebe akôc kiñ tau êmu êmênña atom.”

11 Kiñ Dawid gêñô lau Israel sêmasañ biñ kêtü enña ñawae, tec kêsakiñ biñ gêdêñ dabuñwagaagêc Sadok agêc Abiatar gebe “Asôm êndêñ lau Juda nêñ laumata gebe ‘Amboac ondoc, tec amac amasañ biñ kêtü akôc kiñ êmu êwac nê anduñña kêtü ñamu nec.

12 Aêñoc lasitêwai amac, ñoc ñatêkwa to ñoc ñamêsôm amac. Amboac ondoc tec abe akôc kiñ êmu êwac êtu ñamugenñ nec.’

13 Ma asôm êndêñ Amasa gebe ‘Ñoc ñatêkwa to ñoc ñamêsôm aôm atom me. Aê embe jakêñ aôm ôtu ñoc siñwaga nêñ laumata ôjô Joab su atom oc Anôtô enseñ aê su janaña.’ ”

14 Ma enj gêjam lau Juda samob nêñ ñalêlôm ôkwi e têntac tagen ma sêsakiñ biñ gêdêñ kiñ gebe “Aôm to nêñ sakiñwaga samob amu amêñ.”

15 Amboac tonañ kiñ tau gêmu gêmêñ bu Jordan ma lau Juda sêpuc kiñ tôñ-tôñ sêmêñ Gilgal sebe sêkôc kiñ tau elom bu Jordan ñamakenñ êmêñ.

16 Ma ñac Benjaminña Gera latu Simei anja Bahurim kêsêp ñagaôgenñ gêmêñ gêwiñ lau Judaña gebe êpuc kiñ Dawid tôñ-tôñ amboac tonanjenñ.

17 Ma lau Benjaminña 1,000 sêwiñ enj. Ma Saulnê gôlôacnêñ sakiñwaga Siba to latui 15 ma nê sakiñwaga 20 sêlêti sêsêp jasêô lasê bu Jordan sêmuñ kiñ.

18 Ma êsêac selom buselenñ tau sebe sêkôc kiñnê gôlôac sêmêñ ñamakenñ ma sebe sêngôm gêñ, tañ kiñ êlic êmoasiñ enj nañ. Ma gêdêñ tañ kiñ gebe elom bu Jordan tau nañ, Gera latu Simei gêu tau gec enj lañônêmña

19 ma kêsôm gêdêñ enj gebe “O ñoc ñatau, taêm ênam biñ, tañ nêñ sakiñwaga aê gagôm keso gêdêñ

bêc, tañ gôwi Jerusalem siñ nan, ma ôlic aê sec atom. O kiñ, ôê biñ tau tônia ênêc nê m ñalêlôm atom.

<sup>20</sup> Nê m sakiñwaga aê kajala gebe gagôm keso. Mago galoc ôlic acgom, aê tec kasêp gamêñ katu Josepnê gôlôac nêñ ñac ñamataña gebe japuc ñoc ñatau kiñ aôm tônia-tônia.”

<sup>21</sup> Go Seruia latu Abisai gêôc awa sa ma kêsôm gebe “Simei êmac êndu êtu kêpuc boa ñac, tañ Apômtau geñ oso eñ nanña atom me.”

<sup>22</sup> Mago Dawid kêsôm gebe “Seruia latui amac, aêacnêñ asageñ ñagêdô gêdêñ taun, tec ocsalô tonec amac alêtôm aê. Ñac teñ oc êmac êndu ança Israel ocsalô tonec me. Aê kajala gebe katu kiñ Israelña gêdêñ ocsalô tonec.”

<sup>23</sup> Ma kiñ kêtôc lêma ma kêsôm gêdêñ Simei gebe “Aôm oc ômac êndu atom.”

<sup>24</sup> Ma Saul dêbu Mepiboset kêsêp gêmêñ gebe êndac kiñ tau. Eñ kêkwasiñ akaiñ to kêkapiñ nê êm ma kêkwasiñ nê ñakwê atomanô gêdêñ tañ kiñ gêwi gamêñ siñ nan, e gêmu gêmêñ toôli samucgeñ kêtiam.

<sup>25</sup> Gêdêñ tañ Mepiboset ança Jerusalem mêngeô lasê gebe êndac kiñ nan, kiñ tau kêsôm gêdêñ eñ gebe “Mepiboset, kêtû asageñña aôm gôwiñ aê gôja atom.”

<sup>26</sup> Eñ gêjô eñ awa gebe” O ñoc ñatau ma ñoc kiñ, aê ñac puliñ. Aê kasôm gêdêñ ñoc sakiñwaga gebe êmansañ donki teñ êtu aêña gebe jangôn ñaô ma jawiñ kiñ jana. Mago ñoc sakiñwaga kêsau aê.

<sup>27</sup> Eñ kêgôliñ biñ kêpi nê m sakiñwaga aê gêdêñ ñoc ñatau kiñ. Mago ñoc ñatau kiñ kêtôm Anôtônê anela. Amboac tonañ ôngôm gêñ, tañ aôm gôlic ñajam nan.

<sup>28</sup> Gebe ñoc ñatau kiñ gêlic tamocnê gôlôac

samucgen amboac lau gêbac jagêdên, mago aôm kôkên nê m sakinwaga aê ganğôn êsêac, tañ sen gên anğa nê m tebo nañ ñalêlôm. Aênoc biñ ñajam ondoc gêc gebe jaten êndên kiñ.”

<sup>29</sup> Ma kiñ kêsôm gêdên en gebe “Ôsôm biñ taêsam êwiñ êtu asagenña. Aê kasôm biñ kêt u tôn gebe Amagêc Siba awa nomlênsêm êkôc.”

<sup>30</sup> Ma Mepiboset kêsôm gêdên kiñ gebe “Ñoc ñatau kiñ gêmu gêmên toôli samucgen, tec Siba êkôc gên tauman.”

<sup>31</sup> Ñac Gileadña Basilai kêsêp anğa Rogelim gêmên ma kêsêlên gawiñ kiñ e jasêo lasê bu Jordan gebe êkên en elom êna ñamaken.

<sup>32</sup> Basilai kêt u ñamalacanô su, ênê jala kêt u 80. En gêjam kiñ tau sa ña gen taniñña gêdên ñasawa, tañ en gêmoa Mahanaim gebe en ñac tolêlôm ñanô ten.

<sup>33</sup> Ma kiñ kêsôm geden Basilai gebe “Ômôên ôngôn Jerusalem ôwiñ aê ma aê jamoasiñ aôm anğa tônê.”

<sup>34</sup> Mago Basilai kêsôm geden kiñ gebe “Aênoc jala jamoa matoc jaliña tendocgen gêc, tec jawiñ kiñ japi Jerusalem jana.

<sup>35</sup> Ocsalô tonec aênoc jala kêt u 80. Aê katôm gebe jansaê ñajam to sec me. Aê katôm gebe jansaê gên, tañ janiñ me janôm nañ me. Aê katôm gebe janô lau awen sênam wêña me. Êtu asagenña nê m sakinwaga wacêtu gêñwapac ten êndên ñoc ñatau kiñ êwiñ.

<sup>36</sup> Nê m sakinwaga gebe êsêlên êwiñ kiñ dambêgen e êndên Jordan ñamaken. Kiñ êmoasiñ aê amboac tonan êtu asagenña.

<sup>37</sup> Aê jaten aôm gebe ôkên nê m sakinwaga êmu êna

gebe jamac êndu ança taucꞥoc malacmôkê ma ança tamoc agêc tinoc nêꞥ sêô ñagala. Nêm sakinwaga Kimham tec gêmoa. Ôkêꞥ eꞥ êsêlêꞥ êwiꞥ ñoc ñatau kin tau ma ôꞥgôm gêꞥ, taꞥ gôlic ñajamgeꞥ naꞥ, êndêꞥ eꞥ.”

<sup>38</sup> Ma kin gêjô eꞥ awa gebe “Kimham êwiꞥ aê êna ma aê oc jaꞥgôm gêꞥ, taꞥ aôm ôlic ñajam naꞥ, êndêꞥ eꞥ ma jaꞥgôm gêꞥ samob, taꞥ aôm oteꞥ naꞥ, amboac tonanꞥeꞥ.”

<sup>39</sup> Go lau samob selom bu Jordan ma kin gelom amboac tonanꞥeꞥ. Ma kin kêlêsoꞥ Basilai alianô ma gêjam mec eꞥ ma Basilai gêmu gêja taunê malac.

<sup>40</sup> Kin tau gêja Gilgal ma Kimham gêwiꞥ eꞥ. Ma lau Juda samob to lau Israel ñamakeꞥ amboac tonanꞥeꞥ sejoꞥ kin sêmoa intêna.

<sup>41</sup> Go lau Israel samob dêdêꞥ kin sêja ma sêsôm gêdêꞥ eꞥ gebe “O kin, kêtú asageꞥña aêacnêꞥ la-sitêwai Judaꞥa sêjam geꞥgeꞥ aôm ma sêkôc aôm to nêꞥ gôlôac ma nêꞥ lau samob amêꞥ Jordan ñamakeꞥ tonecꞥa.”

<sup>42</sup> Lau Judaꞥa sêjô lau Israel awenꞥ gebe “Kin kêtú aêacma ñagêdô teꞥ. Kêtú asageꞥña amac têmtac ñandanꞥ kêtú bin tonanꞥa. Aêac aen kinê gêꞥ teꞥ me. Me eꞥ kêkêꞥ gêꞥ teꞥ ñaômageꞥ gêdêꞥ aêac me.”

<sup>43</sup> Ma lau Israel sêjô lau Juda nêꞥ bin gebe “Aêac awê kain kin Dawid alêlêc amac su gebe aêac lau Israel ma gôlôacmôkê 10. Kêtú asageꞥña amac alic aêac sec. Aêac asôm bin gebe akôc aêacnêꞥ kin amu amêꞥña kêtú ñamata atom me.” Mago lau Juda awenꞥ ñajana kêlêlêc lau Israel nêꞥ su.

20:1–21:22 Dawid kêtap gêꞥwapac tokainꞥ-tokainꞥ

sa. Lau Israel ñagêdô sêli taun sa, nê wakuc sêlênsôn ñ taun, tóbôm kêsa ma nê ñacjo sêjac sin gêdên en. Mago gênwapac samob tonan ñai kêku Dawid tulu atom.

## 22

### *Dawidnê wê danjena*

<sup>1</sup> Dawid gêga wê tonec gêdên Apômtau, gêdên bêc, tañ Apômtau gêjam en sa anga nê ñacjo samob lemen to anga Saul lêma nan.

<sup>2</sup> En kêsôm gebe  
 “Apômtau kêtù ñoc lamuanô to ñoc tuntêna  
 ma ñoc gêjam-sawaga.

<sup>3</sup> Aênoc Anôtô kêtù ñoc lôm, tañ gaê lamu nan.  
 En kêtù ñoc lautuc ma ñoc moasin ñabulakôp.  
 En kêtù ñoc lêmôp to ñoc lômlabu ma ñoc kêsiwaga,  
 tañ gêjam aê sa anga gên saic-saic nan.

<sup>4</sup> Aê aoc gêjac Apômtau, tañ talanem en nan,  
 ma en gêjam aê kêsi anga ñoc ñacjonên.

<sup>5</sup> “Gebe gêmacanô ñadembom gênôm aê auc  
 to gên gebe enen aên ñasamac kêtakê aê.

<sup>6</sup> Lamboam ñalêpoa gêsô aê tôn  
 gêmacanô gêwa lakô aê.

<sup>7</sup> Gamo e katuc un tagen ma aoc gêjac Apômtau  
 ma gamôêc gêdên ñoc Anôtô gebe ênam aê sa.  
 En gêngôn nê gamên dabun ma gênô ñoc môêc  
 ma gê taña aênoc tanjiboa, tañ katan gêdên en nan.

<sup>8</sup> “Go nom wiwic to kôtên-kôtêngeñ, undambê  
 ñataon kêtênêp e kôjô-kôjôgen  
 gebe en têtac ñandan kêsa ñanô.

9 Jadauñ kêsa en lususun to ja ñawaô kêsa en awa-  
sun

ma ñalana ñamôsi kêpêlan anja ênê kêsa gêja-gêja.

10 En kêwê undambê sêlilib kêsêp gêmên.

Tao ñamajan gêc en akain ñalabu.

11 En gêlôb gêngôn kerub ñaô.

En gêngôn mu ñamagê ñaô ma gêlôb wip tagen.

12 En kêkên gêsunbôm kêtû nê becobo.

Kom ñamajan to tao tokatap-tokatap kêkôm en auc.

13-14 Ñalana ñamôsi kêpêlan kêsa

anja ñawasi, tan gêmun en nan.

“Apômtau kêkên nê wapap gêjac anja undambê.

Ma Lôlôc Ñatau kêkên nê awa kêsa.

15 En kêpê nê sôb ma kêpalip nê ñacjo êlin-êlin.

Ôsic kêtakê êsêac sêc gôlin-gôlinjen.

16 Gwêc ñagêdimbob gêôc tau sa kêtû awê

ma nom ñataon kêwaka tau sa.

Gebe Apômtau gêjam wamban

ma ñawajaô kêsa en lususun.

17 “En kêmêtôc lêma anja lôlôc mênkêkam aê tôn

ma gê aê sa anja ñasamac kapôên ñalêlôm.

18 En kêjanjo aê su anja ñoc ñacjo ñaclai nê

to anja ñoc gobi, tan nên ñaclai kêkôm aê auc nan  
nên.

19 Êsêac sebo sêsa dêdên aê gêdên ñoc bêc ñawapacña,  
mago Apômtau kêpuc aê tôn.

20 En kêkam aê sa jakakô gamên kwalam.

En kêsaic aê sa kasa gaja gebe en têtac gêwin aêgac.

21 “Apômtau kêmoasin aê kêtôm lanôcnêm sawanja.

En gêjam aê sa kêtôm lemoc selecña.

22 Gebe aê kasa Apômtaunê lêḡ ḡapeḡ  
ma kakac tauc su anḡa ḡoc Anôtônê ḡaucḡagenḡ  
atom.

23 Ênê biḡgêdêḡ samob kêkô aê laḡônêḡ  
ma gajam dêḡmôêc ênê biḡsu atom.

24 Aê kasa ḡoc lêḡ ḡapeḡ e eḡ ḡêlic aê ḡajam.  
Ma gajob tauc ḡapeḡ ḡêdêḡ ḡêḡ sec.

25 Amboac tonanḡ Apômtau kêmoasinḡ aê kêtu gamoa  
ḡanḡêḡḡa,  
kêtu ḡoc ḡalêlôm selec gamoa eḡ laḡônêḡḡa.

26 “Aôm ḡôwa taôm sa ḡêdêḡ ḡac ḡajam gebe aôm ḡac  
gabêjam,  
ḡêdêḡ ḡac laḡônêḡ sawaḡa gebe aôm taôm ḡac  
laḡônêḡ sawa.

27 Aôm ḡôwa taôm sa ḡadêḡ ḡac mansanḡ gebe aôm  
taôm mansanḡ  
mago ḡêdêḡ keso-keso, tec kôtôc taôm amboac kainḡ  
teḡ.

28 Aôm ḡôjam lau, taḡ sêkôninḡ taunḡ nanḡ sa  
ma kôkôninḡ lau, taḡ tetoc taunḡ sa nanḡ.

29 Biḡḡanô, o Apômtau, aôm kôtu ḡoc ja.  
ḡoc Anôtô kêpô ḡoc ḡakesec ḡawê kêsa.

30 Biḡḡanô, aôm embe ôwiḡ aê oc janac lausinḡ  
popoc  
ma ḡoc Anôtô embe êwiḡ aê oc jamboanḡ janḡêli nêḡ  
tuḡbôm.

31 Anôtô tonanḡ tec ḡêjam ḡôlinḡ ḡêḡ samob toma-  
lagenḡ.

Biḡ taḡ Apômtau ḡêjac mata nanḡ, kêtu anô.  
Eḡ kêtu lau samob, taḡ sê lamu eḡ nanḡ, nêḡ lautuc.

32 “Apômtau taugenḡ eḡ Anôtô.



Ma aêacnêḡ Anôtô taugen eḡ lamu ḡanô.

<sup>33</sup> Anôtô tau tonan kêtḡ ḡoc lamu ḡajaḡa tau to kêmasan ḡoc intêna gebe jasa toôlic samucgen.

<sup>34</sup> Eḡ gêgôm ḡoc ockain kêtôm mojava nê.

Eḡ ketoc aê kakô lôc ḡamoatêc ḡaô toôlic samucgen.

<sup>35</sup> Eḡ kêdônḡ lemoc sinḡa

tec lemoc jakêkam talam ḡamadi.

<sup>36</sup> Aôm kôkêḡ lautuc ênam aê kêsinḡa.

Aômnêm moasin ketoc aê sa.

<sup>37</sup> Aôm kômasan intêna ḡasawa kapôêḡ gebe jasa ma japô ocgêsu ôkwi atom.

<sup>38</sup> Aê kajanda ḡoc ḡacjo e gasen êsêac su

ma kakac tauc ôkwi atom e êsêac sêjanḡa.

<sup>39</sup> Aê gajac êsêac pinḡan ma sebe sêndi e sêgôm jageo.

Ac sêc ockain ḡalabu.

<sup>40</sup> Aôm kôjandinḡ aê ḡa ḡaclai gebe janac sinḡ ḡanô.

Aôm kôkôninḡ ḡoc ḡacjo sêmoa aê ḡalabu.

<sup>41</sup> Aôm kôpuc ḡoc ḡacjo sa tec sêc aê

e gasen êsêac samob, tanḡ têntac sec gêdêḡ aê nanḡ su.

<sup>42</sup> Êsêac sesom nêḡ gêjam sa tenḡ, mago tenḡ gajam sa atom.

Êsêac sêmôêc gêdêḡ Apômtau, mago eḡ gêjô êsêac awenḡ atom.

<sup>43</sup> Aê kalêsa êsêac e têtôm nom ḡakekop.

Aê kaka êsêac tôḡ kêtôm kaka lêsap anḡa intêna.

<sup>44</sup> “Aôm gôjam aê sa anḡa sinḡ tomôkê-tomôkê e kôkêḡ aê katu lausamucnêḡ gôlinḡwaga.

Lau tanḡ kajala êsêac atom nanḡ, sêjam sakinḡ aê.

<sup>45</sup> Lau jaba sewec dêdêḡ aê.

Aê embe jakac aocsunḡ sa jamoa ma oc tanḡenḡ wamu êndêḡ aê.

46 Lau jaba latuņi katuņ gêjaņa  
ma sêsuņ tauņ têtênêp-têtênêpgeņ sêsa aņga nêņ  
tuņbôm sêmêņ.

47 “Apômtau gêmoa mata jali. Aê aoc êôc ñoc lamu.  
Aê jatoc ñoc ñacmoasiņ Anôtô sa.

48 Anôtô tau tec kêpuc aê tôņ e kakac ñoc kamocgôc.  
Eņ kêkôniniņ malac-malac tôņ sêsô aê ñalabu.

49 Ma eņ gêjam aê kêsi gêdêņ ñoc ñacjo. Aôm kotoc  
aê sa kêlêlêc ñoc soņo-soņo,  
ma gôjam aê sa aņga lau ñaclai nêņ.

50 “O Apômtau, kêtû tonanņa aê gabe jalambiniņ aôm  
jamoalausamuc ñalêlôm  
ma janam wê lanemņa êpi nêmu ñaê.

51 Aôm tonan kotoc nêmu kiņ sa ñanô ma kôtôc nêmu  
têmtac gêwiņ tengeņņa gêdêņ ñac, taņ seņ oso  
eņ nan, gêdêņ Dawid to nê wakuc gedenj tôņgeņ.”

## 23

### *Dawidnê awamu*

1 Biņ tonec kêtû Dawidnê awamu  
“Isai latu Dawid kêsôm biņ.

Ñac taņ tetoc eņ sa nan, kêsôm biņ.  
Jakobnê Anôtô nê ñac seņ oso eņņa.  
Ñac gêga Israelnê wê ñajamwaga.

2 “Apômtaunê Ñalau kêsôm biņ kêsa aê aoc,  
ma ênê biņ gêc aê imbeloc.

3 Israelnê Anôtô kêsôm biņ.  
Israelnê lamu kêsôm biņ gêdêņ aê.  
Ñac taņ kêtêc Anôtô  
ma gêjam gôliņ ñamalac ñaņêņgeņ nan,

<sup>4</sup> k p   s ac k t m  aw  b b cge  a,  
k t m oc, ta  k pi tonag l m masi na , ma g g m  
g gwan, ta  kom g jac na  k puc.

<sup>5</sup> A  oc g l ac s moa s wi  An t   
gebe e  k moati  poac tenge  a te  g wi  a  ma  
k masa  g   samob  apep ma  n c tenge ,  
gebe e  oc  k   a  gebe jamoa  ajam  
ma g   ta   oc  al l m t tac g wi  na , e   ng m  
esewec.

<sup>6</sup> Mago lau, ta  s moa ja c An t  na , t t m g    
t kwa-t kwa,  
ta  tambali  si  na , gebe tat m gebe tak c  a  
leme  atom.

<sup>7</sup> Mago  ac ta  gebe e o  g   tau sa na ,  
 k c si  to k m  adamb  ma ja  ni  g   tau  mbacn   
samucge .”

23:8–24:25 Dawidn  si s l c lanɡwa towae n    
 a  k s p  as bu tonec. Dawid k sa n  lau sa, mago  
An t  g lic  ajam atom, tec k k   g mac sec k tap  
lau Israel sa. K tu  amu An t  ta  wal  n  lau  
k tiam ma k k c g mac sec tau su.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb